

〔清〕鐘慶熙輯 清光緒二十七年四川讞局刊本

# 四川通飭章程



四川通飭章程

辛丑仲夏纂刊  
板存四川謙局

# 序

從來服古入官實事求是務當熟讀有用之書講明有用之學證古尤貴通今坐言始可立行此漢儒註經必申明今制云何兩漢循吏史不絕書蜀吏如文翁廉范者流胥有聲稱夷考其時廟堂定章程郡國詳教命幾於家喻戶曉傳爲後法而號爲

儒宗者相與覃思罔替窮其旨歸江都董  
子則有決事比高密鄭君則有律章句卽  
此類推宜從政者靡不留心當代掌故講  
求當時成憲用能因地因時舉措悉當史  
傳但稱漢守合以經術文飾吏治殆尙論  
猶有未盡也我

朝政書粲然明備而刑名專家之學最闕吏治

舉凡通行部章因時損益所以輔律例之  
簡嚴通飭省章因地制宜所以闡部章之  
意指以是直隸各有刊行專集俾有心吏  
治者服膺甚便其爲考求時政有用之書  
莫切於此川省藩經歷按季例刊部章六  
曹併列呈司頒行率祇一次傳本旣稀檢  
核亦覺不易而川省章程從無彙刻專集

調卷考索每苦挂漏放失法家私鈔又多  
珍爲枕秘論者不無缺憾孫玉軒司馬鏘  
由都筮仕來川購攜刑部通行章程始自  
道光十八年迄光緒二十四年其間多有  
未經纂入刑例者時出與讞局同事鍾幼  
卿大合慶熙就事考證獲益滋多特鳩同  
志醵金付梓用公同好復以鍾大合鈔藏

省章五十二篇編爲二卷繼刑部通行續  
刻便於觀摩以資遵守凡於緝捕命盜訟  
獄諸大端蓋略備矣刊成問序於余受而  
熟復竊以爲孫司馬與同志諸君子出而  
蒞民於明刑弼教戢暴安良之本源久已  
洞澈無遺舉其夙蘊措之施行其能與兩  
漢循吏後先媲美與否將必無待人言而

自知甚明者則此一編實爲修己之水鑑  
六曹暨交涉時務無一不萌芽於有司孫  
司馬與同志諸君子能推其所已知而勉  
其所未至則事無不辦政無不舉異日各  
抒心得分輯專書益足爲後進圭臬則此  
一編實爲吏治之嚆矢謹附古人贈言之  
誼卽書以爲序

光緒二十七年歲次辛丑仲秋四川承臬  
使者桂陽夏 峇序

四川通志

卷之

序

夫律一成而不易例因時以制宜治獄之  
有律例尙已雖然有定者科條無窮者情  
僞懸有定以待無窮自非引伸其文變通  
其法將律例之所不能賅者猶以不詳且  
盡爲憾此刑部所以有奏定通行新章各  
直省亦定有通飭章程也四川訟獄之繁

甲於天下讞局設於古天府署遴選各收  
令從事其間遇有檄發疑難案件若有司  
之援引失當者余輒與之商權可否虛心  
研鞠每議一獄各抒所見講明而切究之  
度理準情冀有當於律意例義之精微而  
後已蓋其難其慎矣鍾大令幼卿長於折  
獄而又講求例案四川歷年通飭章程曩

經手鈔成帙適孫玉軒司馬出前都門所  
購刑部通行新章若干本公餘互相質證  
擬重刊以公同好而以四川通飭章程附  
之茹蔚亭刺史葉仲屏大令見而首先捐  
貲以爲之倡而同寅諸君之留心庶獄者  
亦皆解囊相助慇懃付梓不數月而歲事  
編成問序於余披而讀之見其博採廣收

刪繁就簡具有條理用力一何勤哉抑又  
聞之法令者治之具也神而明之存乎其  
人是所望於有治獄之責者光緒辛丑孟  
秋月知成都府事鐵嶺阿麟謹撰

# 自序

讀書不讀律致君澤民終無術旨哉斯言也兩漢之號稱循良吏者類皆於當代之掌故典章教命靡不博通而研究之以專布於下故史傳載文景之世歲慮囚不過數十人由上治之者有其道也我

**朝律例**一書仁育義正幾於家喻戶曉惟自

乾嘉以降時勢日艱情僞日幻於是 大  
部有通行部章川中各 上憲有通飭省  
章皆以達律例之未賅準情法之持平求  
合乎大中至正之歸誠哀矜苦心也 慶熙  
學殖淺薄治譜懵然無所知迨筮仕逐隊  
讞局遇疑難案牘飭吏胥檢閱檔存通行  
通飭者往往殘缺遺漏心竊憾焉適 孫

玉仙司馬由都來示所購通行善本與慶

熙曩日鈔存通飭若干條互相討論以讞

大小庶獄頗少檢查之勞同人茹蔚亭

刺史葉仲屏明府謂宜合刊一帙公諸

寅好遂醵資付手民不數月而書成謹綴

數言於簡端用誌緣起其版片仍存局中

所望後之有同心者續有所得或閒歲一

集或三年一纂俾是書益臻全備不致廢  
墜散失於治獄者或不無裨益云

光緒二十七年中秋會稽鍾慶熙序

四川通飭章程目錄

詳革職官舉貢生監

各屬詳革生監

裁革冗役

查禁管獄丁役禁卒人等搯索犯人錢文

緝役名數案由開單

詳請專停海防肉釐仍留三費肉釐

通飭復抽肉釐

徒罪人犯分別解審

軍流徒犯一律解勘章程

婦女犯罪分別應否解審

發配軍流人犯起解州縣預備衣褲刑具銀兩

起解遣軍流徒備具長文

招解人犯飯食銀兩在於移送三監文內註明

軍流在途不得薙髮

夏月截留解犯

遞解軍流人犯分五名一起

滿流加徒外結章程

匪徒外結章程

前任未結命案正犯已斃從犯酌歸外結

外結梟犯脫逃緝獲擬辦章程

梟犯脫逃重懲章程

繫帶鐵梟脫逃人犯罰銀記過章程

分禁內外監

外結人犯梟予收禁外監

梟犯患病

瘋病監斃分別委驗提訊

外結人犯遇 恩詔查辦

監候待質人犯年久省釋

團練章程

通飭捕盜章程

通飭捕盜外辦懲處章程

變通捕盜功過章程

疏防情緝章程

盜案竊案據實核辦

會審拏獲匪犯擬罪稟不必再列防營銜名

盜案分別解省委審章程

州縣會銜緝票蓋印編號章程

州縣相驗承審不實分別記過撤叅章程

火器殺人之案飭令研審實情

他物傷填註骨損不損字樣

辜恨內醫治平復因病身死

藉屍訛詐治罪屍親分別服制親疏

查禁私鑄毛錢

查禁私鑄私販章程

李獲造賣賭具人犯按擬解勘

禁革官吏借貸部民銀兩

禁革州縣審斷

疎脫外結及待質收禁外監人犯看役應擬罪名

婦女老幼廢疾有犯命案罪至徒流例得收贖准一詳完結  
通飭詞訟月報章程

整頓詞訟章程

計開清訟局章程

發審局閱案章程六條

勸懲章程八條

議改讞局功過章程稟稿

議改讞局功過章程

酌擬變通發審局勸懲章程

戶口會通卷之五

詳革職官舉貢生監

布政使司  
按察使司

爲通飭遵照事光緒十七年三月初四日奉

總督部堂劉

札開查各屬詳請斥革之件其中有職官舉貢生

監之分文官自知縣以上武職自守備以上舉人自文舉以上均

應奏革應由該廳州縣敘錄案由詳明兩司核轉文官自八品以

下武職自千把以下及武舉武貢並生監等均應咨革應由該廳

州縣詳明該管之知府直隸州核轉以昭確實而免輕率爲此合

行札飭嗣後各廳州縣遇有詳革事件如不由該管上司衙門核

轉逕自詳革到院除仍批由兩司或府州分別奏咨辦理外卽將

以人並存子才  
免

逕詳之廳州縣記大過一次以示懲儆仰卽通飭各屬遵照辦理  
毋違干咎此札等因奉此擬合移知等由准此合就札行爲此札  
仰該府卽便轉飭所屬一體遵照凡遇詳革事件均由該營上司  
衙門核轉以昭核實不得逕稟詳院致干記過切切特札

各屬詳革生監

按察使司夏 爲通飭事光緒二十七年二月初六日奉

總督部堂奎 批本司呈詳雅州府核轉名山縣斥革捐貢生羅

子安卽羅青雲一案奉批仰按察司飭卽查拏該革生羅子安卽

羅青雲到案訊究詳辦嗣後各屬詳革生監毋庸府州核轉以省

繁牘並卽由司通飭查照繳等因 云

四川通飭章程卷一

各屬詳革生監



## 裁革冗役

按察使司張 爲通飭事竊照本司到任以來檢查卷宗收受詞狀其牽控差役因案敲搯恃勢掃通者不可枚舉川民健訟保無借端聳聽張大其詞所呈原難盡信惟本司訪聞各廳州縣散差白役實繁有徒多者數至一二千至少者亦四五百率係衙役族戚廣援引以任指使之勞兼有本境棍徒假護符以爲藏身之固若輩旣無恆產又無傭資一竊差名遂恃公門爲生活結連訟痞勾串里胥有隙卽乘無惡不作此風各省不免而徒黨之眾膽志之張未有如蜀之甚者也伏思州縣額設壯快例只數十餘名卽

云傳案催糧緝盜解犯差遣不敷亦何至招納千數百人不農不  
士非兵非勇任其自行覓食爲害閭閻本司入境之初道經梁山  
輿論盛稱前合熊汝梅改輪差爲團差各管各場不准越界散差  
則選本甲樸實民人充之責有專司人皆熟識故玩法者稀地方  
稱便此外各廳州縣大率因仍苟且任由總役保充漫無限制以  
至人浮於事四出擾民該地方官旣無駕馭之才覺察之智至被  
害者指名控訴又復意存徇庇遷就調停迨本司委員提拏或捏  
報病故或稱早經革役不知去向斂迹未久更名復充夫民猶子  
也差役猶奴僕也爲父母者日覩豪奴悍僕腴削其子何竟漠然

無動於其中度該地方官必有被挾之端難言之隱明知故縱甘以一身府怨而不辭此弊政所當痛革者也本司以爲欲肅吏治必先戢差風欲戢差風必先裁冗役擬請

憲示由司通飭各廳州縣嚴整署規勤求民隱將散差白役認真裁革或酌留一半或祇留三分之一卽將革役姓名揭示通衢一經收管編氓倘有冒差搯詐者許民人捆縛送官加等治罪實在裁留總頭散役若干名明白稟覆仍將承稟總役花名造冊送司以備考覈一面齊集各役嚴申約束毋許再有敲搯掃迺等弊倘被告發經本司訊有確供定發鎖封拏到省澈究並會同藩司將

徇縱失察之本管官分別撤叅記過至梁山團差之法能否仿照  
舉行改絃更張是在賢牧令斟酌權衡力求整頓他如房書舞文  
弊混門丁藉案招搖苟非遇事精明持躬廉潔鮮不爲其所愚各  
地方官當由此類推隨時斥逐法行自近自顧考成無事本司瑣  
瑣爲謀也所有擬議通飭裁革冗役緣由是否有當理合詳請察  
核示遵奉

批據詳各廳州縣差役繁多藉案敲擿實爲川中第一大害屢經  
本部堂嚴飭禁革無如各屬玩泄成風難免遇事敷衍仰卽照議  
通飭認真裁革倘各州縣因循玩忽或徒事粉飾以售其欺卽行

破除情面詳請撤叅以期令出維行不至奉行故事此繳等因奉  
此合就札行札到該州遵照通飭將散差白役認真裁革或酌留  
一半或祇留三分之一或倣照梁山熊合辦法各就地方情形斟酌  
辦理卽將革役姓名榜示通衢並將承票總役花名造冊具稟  
賚司以憑查覈以後嚴束各役毋致仍前藉案掃通勾訟敲搯以  
安民生倘敢粉飾欺朦一經查出或被告發定卽詳請撤叅本司  
令出維行切毋玩忽自貽噬臍仍將遵辦緣由稟覆查考毋違特  
札



查禁管獄丁役禁卒人等搯索犯人錢文

省按察使司黃 爲通飭查禁事照得監犯羈禁囹圄雖屬孽由自作然亦有一時逞忿偶罹刑章者或因人連累無心遭禍者臭穢薰蒸饑寒交迫父母不能相見兄弟妻子離散其情甚爲可憫是以定例日給口糧鹽菜冬賞單褲棉衣

朝廷矜憫之不暇有獄者宜如何隨時察奸設法杜弊存哀矜勿喜之心行法外施仁之舉庶幾不忝厥職造福無窮今本署司蒞任伊始訪聞各廳州縣管監丁役與禁卒牢頭人等串同一局徇犯進監多方搯索非刑弔拷必遂慾壑而後已有力者傾家蕩產

以下各條  
卷一  
六  
以圖苟安貧困者任聽陵虐求生不得言之殊堪痛恨合亟嚴飭  
札到該縣迅卽督同管獄官出其不意密詣監所悉心查訪如有  
前項情弊立提禁卒更夫管監丁役人等從嚴懲辦勿稍徇縱仍  
隨時查禁不准需索分文務使罪囚不受磨搥得以安心守法是  
爲至要自禁之後如被告發或經查知定將有獄管獄各官一併  
撤叅不貸勿謂言之不預也凜之毋違特札

光緒十二年六月

緝役名數案由開單

署按察使司張 爲通飭事光緒二十五年七月 日奉

總督部堂奎 云 嗣後所屬文武衙門因案派撥兵役出外踴

緝務將各派兵役勇丁名數及所緝何案人犯於文移印票之內  
明晰開敘一面關移鄰封一面發給印票飭令該弁役等帶赴所  
到地方先將印票呈請該管衙門驗明加蓋印信給還收領卽由  
該管官密飭團保協同捕拏不得稍有延縱若鄰封踴緝之兵役  
已經呈明印票團保協拏不力或故與爲難惟該地方官是問若  
該兵役等未將印票呈驗或未執有印票輒自拏犯無論何營所

緝役名數案由開單

派有無號衣俱准該處團保將其捆送由該管地方官盡法懲辦  
並究明原派營員銜名據實通稟分別記過撤任如有藉案索擾  
糾眾掃通情事另按軍法就地懲辦並將原派營官從嚴叅處至  
此等不法兵役如敢不服拘拏持械拒捕卽與盜匪無異或被格  
殺概予勿論至各屬團保人等責成各該有司隨時督率協力搜  
捕以戢盜風亦不得庇縱匪類無故仇兵自貽伊戚除通飭遵照  
外云

外云

詳請專停海防肉釐仍留三費肉釐

按察使司游 爲據情轉詳請示飭遵事案奉

憲札接准

部咨川省籌劃海防經費仿照各州縣抽收三費肉釐辦法每觔酌加錢一文津貼軍餉以川省抽收三費肉釐向未報部現值海防畧定時局不同前日奏奉

諭旨將因籌餉抽收猪肉釐金卽行停止以寬民力等因咨院行司奉此當經通飭遵照復奉

憲札刊發告示通飭各屬將海防肉釐與本未奏明之三費肉釐

一併停抽各在案嗣據各廳州縣具報遵札將新添之海防肉釐  
停抽至三費肉釐雖於張貼

憲示後一律停收而地方紳耆士民相率籲懇免停以全善舉紛  
紛由地方官瀝陳下情稟求轉詳前來並有由紳士來司呈訴民  
閒疾苦求留肉釐以存三費者大致謂川省幅員遼遠命盜繁多  
從前相驗招解緝捕等事費鉅無出皆由差役就地科派望鄰飛  
鄰憑其魚肉上戶中戶悉受災殃動至一案未成十家破產官無  
費以給役役遂任意取盈民縱敢於訴官官亦礙難究詰自抽肉  
釐作三費以來書差咸遵約束良懦賴以保全能食肉者日捐一

文而不覺作屠戶者代繳其數而無難此實地方第一善舉較諸書院義學恤養育嬰諸事尤爲利害切身皆係民捐民辦不過官爲董率因係百中取一俗語爲肉釐實則命盜經費也自奉

憲示合與海防肉釐一體停收釐免而肉價不減孰肯因一文與之爲難費止而辦案無貲差役復肆擾以逞其毒以故不約而同稟呈交至懇求代陳民隱轉請

憲臺另發專停海防仍存三費肉釐告示各等情據此本司等伏查弊不十不革利不百不興川省三費肉釐名雖不經實則關心世道之人習見命盜案出地鄰受害無窮創鉅痛深始倡而爲此

舉因其流弊少而保全多故數十年來推行幾遍通省

大部亦知其有益於民也故祇以三費肉釐向未報部一語撇開絕不查詢其如何抽收支用亦不行合造冊報銷惟專請停抽海防籌餉之肉釐我

憲臺塵念民生痼疾在抱先因海防既免示諭併停嗣後博采羣言面諭體察仰見好惡同民權衡妙用本司等正在遵諭采訪乃旬日以來各處官民異口同聲稟求復設用代瀝陳下情敢求俯如所請另發專停海防肉釐仍留三費肉釐告示俾有遵循如蒙允准擬請於覆奏停抽海防肉釐摺內聲明川省三費肉釐乃地

方紳耆籌作命盜案內相驗招解緝捕經費係爲保全地鄰免被拖累而設有餘以作義學恤嫠育嬰諸善舉皆係民捐民辦官祇稽查而不敢染指相安多年有利無弊請仍其舊似亦爲民請命之一端也可否之處伏候

憲裁至各屬三費之收支正用固多而浮濫實所不免應由本臬司通飭各府廳州督飭所屬各就地方情形嚴加釐剔妥議章程條款稟山本管道府廳州刪定賚司彙核議明照辦不准有絲毫濫支浮銷有餘卽置產收租一俟租息足敷三費卽將肉釐停止以歸核實而期經久至向未抽釐作費之處非已置產收租卽係

瘠苦難辦不得因有此舉添抽肉釐致涉紛擾是否有當理合具  
文詳請

憲臺俯賜察核批示飭遵再此詳由臬司衙門主稿合併聲明爲  
此備由呈乞照詳施行

光緒十四年六月十一日

通飭復抽肉釐

總督部堂丁 爲通飭遵辦事照得前因海防需餉奉

部飭辦開源各條本部堂當以川省供億之繁歲輒數百萬金力  
盡財竭實無可開之源而海防待用孔殷關係大局又不能不於  
無可籌措之中設法遵辦因思川中從前各州縣向有抽收肉釐  
辦理三費尙可就此每肉一觔加收一文用資腋助而救眉急旋  
因海防畧定正擬飭停卽經部議以事甚煩瑣恐有不肖官紳侵  
蝕中飽似不如停止抽收等因奏奉

諭旨允准咨行到川此係體恤百姓之苦心本部堂因念川省歷

年辦理津捐民間不遺餘力海防肉釐既經

大部議停自應連三費肉釐一並停止俾紓民力當經通飭並出示曉諭在案茲據藩臬兩司詳稱以肉釐每觔抽錢一文食肉之家原無所損以之充作三費民間幸免受累獲益良多且經興設有年人咸稱便有此一款則相驗緝捕招解等事各州縣卽無法派累民間若併此停撤在民間不過平日食肉每觔省錢一文毫無益處設一旦爲命案牽連需索其困苦實不知作何情狀似不得不爲民請命等情本部堂覆加查核委屬實情川省向來積習每命案無論地方遠近均藉口地鄰牽連苛派出錢甚至因此傾

家破產言之實屬可恨體察時勢又不能不俯如所請惟查從前因有肉釐一款各州縣官紳每每任意濫用無往不費又不遵章辦理每猪抽錢多至一百五六十文或二百餘文不等民力幾何奚能堪此此

部議所以振振有詞也今甫飭停本未便朝令夕改第此款一裁三費無資必致藉口任意苛派民間反因之受累亦所不忍姑准暫行復收以省民累除海防肉釐已經示諭停收並原有產業收租者支應三費之處自應不准朦混抽收外嗣後每宰猪一隻無論從前原抽若干此次每隻只准抽錢一百文仍照舊准屠戶每

勛加錢一文所抽之錢專作三費之用如有盈餘卽以酌支恤濟  
育嬰以及收養無告窮民等事此外凡屬無關三費及地方一切  
不急之需概不准擅動分文藉口妄稟仍按月榜示通衢並造冊  
申賈查核總之每宰猪一隻抽錢一百文果能撙節支用必有盈  
無絀每歲卽以餘積無論多少陸續置產俟收租足以供應三費  
卽將此項肉釐永遠停止自此次通飭之後倘有不肖官紳不體  
上情不恤民隱只知見好取錢仍前浮收濫用定卽分別嚴叅究  
辦不得姑寬此乃本部堂爲民省累不得已而爲之之事各州縣  
務宜激發天良共存胞與之心庶上有以對

朝廷下無損於百姓若狃於積習藉口加抽分文只圖肥己事發  
定以白簡從事決不寬恕彼時雖巧飾萬端亦終不可挽回也除  
奏明立案並擬告示通飭外合就札行爲此札仰該司即便轉飭  
各屬一體凜遵照辦並飭將發去告示遍貼曉諭仍將遵辦原由  
稟報查考不得稍涉含混大干咎戾切切特札

四庫全書

三

徒罪人犯分別解審

按察使司翁 爲通飭事案查各州縣審辦命案應照定例解勘  
不得越解滋累例載外省徒罪案件有關係人命者均照軍流人  
犯核辦又距省寫遠之廳州縣命案徒罪人犯如四川甯遠重慶  
夔州綏定四府所屬及酉陽州忠州敘永廳石柱廳并所屬者解  
赴該管巡道就近審轉各等例內所稱徒罪關係人命及命案徒  
犯係指命案正犯罪應擬徒者而言如事主登時追捕毆死竊賊  
并期親伯叔毆死胞姪及因事用強威逼人致死致命非重傷重  
傷非致命與夫非致命重傷者似此等擬徒人犯俱應解司勘轉

竄遠州縣解道審轉其謀故鬪殺等項正犯問擬斬絞軍流解審  
案內餘人或因刃傷折傷問徒或因聽從埋棄屍身問徒如此之  
類只將正犯解省勘轉其餘人問徒者應由該管府廳州於審轉  
時先行發回毋庸解司亦毋庸解道乃近來各府州審轉案內擬  
徒餘人隨同正犯一併解司既與定例不符而兵役押犯守候往  
還尤屬虛糜解費亟應申明定例通飭各屬嗣後除命案徒犯如  
事主登時追捕竊賊毆斃等項案件仍照定例將人犯解司審轉  
外其謀故鬪殺等項正犯罪擬斬絞軍流解省案內之餘人或因  
刃傷折傷問徒或因聽從擡埋屍身問徒等類概由該管府廳州

審明後一面將正犯解省一面將問徒之餘犯先行發回至直隸  
廳州本境之案除眉州資州等處徑行解司外其餘向係解道審  
轉者亦卽由道將擬徒之餘人發回以符定例而節糜費再如審  
轉官間有因正犯畏罪狡供藉解餘人赴省備質者自應准其解  
省仍飭於詳尾將解質緣由申明備核云

云

四庫全書

卷一

三

軍流徒犯一律解勘章程

按察使司文 爲遵批議覆事光緒二十一年八月十六日奉

總督部堂鹿 批本司呈詳遵批核議夾江縣審訊縣民周娃呷

與劉桃姑兒共砍傷劉善林保辜正限外平復係屬雜案徒犯似  
可酌歸外結監禁請示飭遵一案奉批查周娃呷與劉善林素有  
親誼因劉善林索補錢文彼此爭角與劉桃姑兒將其共砍傷於  
正餘限外醫治平復此係鄉曲愚民常有之事與鬪狠逞兇爲害  
閭閻者迥乎不同此等尋常雜案罪應擬徒人犯如因解費難籌  
押解可虞均請比照外結則川省幾無解勘充發之案而各縣能

無擁擠疎脫之虞置定例於不議以外結爲權宜核與定章懲匪之議殊有未協無怪上年

欽差奏請禁革也至該司所引四川匪徒帶刀到處游蕩例枷號繫帶鐵桿石墩係專指絡竊賊輕之犯而言不得割裂率引致與定例不符所有周娃暉一犯仍應照例解府審轉詳請充徒方爲正辦仰卽轉飭遵照錄批通飭各屬嗣後遇有此等尋常罪應軍流徒等犯並非匪徒爲害閭閻者均照例一律解勘庶律例定章兩無偏廢則明刑弼教亦不致漫無區別矣

云

云

婦女犯罪分別應否解審

按察使司

爲詳請通飭事案據署重慶府知府陶文潞稟稱

竊據涪州詳解民婦任張氏因行竊張南軒等鳴支敗露將幼女任三女砍死圖賴一案人招到府據此卑署府提訊該犯婦供與原詳未符稟經發回札飭確訊另辦在案惟查例載婦女實犯死罪例應收禁者另設女監羈禁外其非實犯死罪者承審官拘提錄供卽交親屬保領聽候發落不得一概羈禁等語此案任張氏致死伊女圖賴按例罪止擬軍應准收贖並非實犯死罪檢察成案各省辦理此等犯法婦女悉照定例訊取確供交親屬保領一

臣人刑名彙編 卷一  
面按擬詳辦聽候發落並不羈禁亦不解審惟查川省歷辦婦女  
因人命問擬軍流等罪各案無不收禁解審似與定例不符所有  
任張氏一案究竟應否照常解審抑照定例飭令交親屬保領聽  
候發落之處稟乞核示以憑轉飭遵辦等情到司據此本司查例  
載婦女有犯姦盜人命等重情身係正犯仍行提審又婦女除實  
犯死罪例應收禁者另設女監羈禁外其非實犯死罪者承審官  
拘提錄供卽交親屬保領聽候發落不得一概羈禁又擬徒收贖  
婦女除係案內緊要人犯仍行轉解質審外其經該州縣審訊明  
確勿庸解審卽交親屬收管聽候發落各等語是非實犯死罪交

親屬保領之例是專指羈禁而言至應否解審另有專條無虞牽混且擬徒收贖婦女如係案內緊要正犯尙須解審其餘係正犯及罪應軍流者更可隅反據稟涪州民婦任張氏因行竊張南軒等鳴支敗露將幼女任三女砍死圖賴一案例應罪止擬軍原可勿庸羈禁惟案關人命身係正犯自應仍行解審方符定例乃來稟以例內有非實犯死罪不得羈禁之條卽謂川省歷辦婦女因人命問擬軍流等罪各案無不解審與定例不符所有任張氏一案應否照常解審抑照定例飭交親屬保領聽候發落之處稟請核示該府旣誤會例意恐各屬亦在所不免惟雜案并命案擬徒

及雜案應擬軍流婦女從前俱分別解府及轉解司道審詳未免  
拖累應請嗣後凡雜案擬徒婦女經各州縣審訊明確別無應行  
質證之處卽交親屬保領聽候發落毋庸解審其命案擬徒及雜  
案應擬軍流婦女身係正犯應解該管府廳州縣審詳毋庸轉解  
司道至命案應擬遣軍流等罪仍照常解司審詳再過失殺人之  
案例不解審而各屬有解有不解辦理亦未劃一應一併毋庸解  
審以示區別而免兩歧所有任張氏一案卽應由府解司審詳是  
否有當理合具文詳請

憲臺俯賜察核再此案應否詳請咨

部並請批示祇遵以便通飭各屬一體遵辦爲此具由呈乞

照詳施行

總督部堂徐 批查軍流徒犯例有解省解道解該管府廳州之分而婦女犯軍流徒罪應否解審例無一定明文雖嘉慶十三年由司詳准通飭各屬將命案徒罪女犯解府審詳免其解司而軍流女犯並未議及若一律解審途長道險往返跋涉旣覺苦累堪虞而使得與解役爲伍其中亦諸多不便况一經解審盤費一切不無所需寒苦之家力有不給勢必至賣男鬻女以資應用且有幼小子女賴母爲生一旦其母遠出驟失所依而服食起居無人

調護遂至死於饑寒轉於溝壑者在所不免查婦女有犯軍流徒罪例准收贖情節本輕若不予以區別一概解審是以虛擬之罪名轉致連累無窮實堪憫惻自應明定章程以示矜恤至過失殺人雖准鬪殺罪收贖然無力完銀罪止杖八十不但勿庸解審亦可不必要監禁又監候待質人犯雖照例擬罪究係未定之案各屬於此等案件有審解有不審解有扣限有不扣限者辦理亦不劃一均須分晰指明庶免歧誤嗣後婦女有犯軍流徒罪除係由死罪減等案須具題以及例應實發者仍照男犯之例分別解勘外其餘雜犯軍流徒罪例准收贖者由本廳州縣細心研審如果供

證確鑿毫無疑義卽交親屬保領按例詳辦不必復行解審如所  
犯係命案軍流徒罪州縣解該管府廳州審轉直隸廳州解巡道  
勘審不必解司如果離道較遠則徑行解司不必解道倘原辦枉  
縱致案犯訴冤或被人控告卽由司提審究明虛實分別究辦揭  
禁所有過失殺人之犯不必監禁同監候待質之案均毋庸扣限  
解勘以歸簡便仰卽通飭各屬一體辦理至婦女非實犯死罪非  
有干實法及非例所載明應行收禁者並飭不得濫刑羈禁以上  
婦女解審章程無須先行咨部設將來或經

部詰再行詳請

奏咨可也其任張氏之案卽飭依照此次通飭辦理再川省案牘異常繁冗其間如杖罪以下至無罪之案各屬亦無不先通報後覆審分兩詳辦理究之所謂覆審者盡係紙上空譚不過於奉批後照初報供詞另錄一分加具看語而已事既有名無實而人證則往往遲至批結之後始行發放小民之守候拖累差役之恐嚇搯詐其弊何可勝言該司弁卽通飭各屬以後審辦罪應杖笞以及勿論之案如有關叅緝或應咨部者照常覆審詳辦外其餘無論是否有關人命凡應歸外結情無可疑者審明後於通報敘供之下卽出查語一詳擬結人犯則取保聽候發落其餘牽連無罪

之人及一千鄰證人等概行省釋以省案牘而免拖累仍分移各道查照繳

四川通飭章程卷一

四四九



發配軍流人犯起解州縣預備衣褲刑具銀兩

署按察使司

為通飭事光緒十三年十月日案奉

護理總督部堂游

批本司呈詳重慶府恆守齡詳稱

云嗣後

發配軍流人犯應由起解州縣預備刑具衣褲解至接遞處所除  
衣褲毋庸另換外仍將原解刑具以次遞推一律照辦並由起解  
州縣於三費公款內提解紋銀壹兩伍錢為巫山巴東買換鎖鍊  
鐐肘等件之費其銀務須庫平足色應於文內註明數目挨站驗  
封遞交直至巫山縣始由該管官驗收將銀製備刑具兩分轉送  
巴東縣交收至於原來衣褲如破爛不完於文內註明下站應通

刑部律例

三二

融點收不得勒令解役賠補致起搥索之漸至於接遞本省安置  
徒犯及他省解來安置軍流人犯依照原來刑具隨到隨收仍照  
向例添派差役並加肘鎖押解前進均不准藉口刁難勒索云

云

起解遣軍流徒備具長文

按察使司游

為通飭事光緒十四年十一月案據

云嗣後起

解遣軍流徒各犯務須遵例備具長文將該犯原犯事由並籍貫

年貌疤痣箕斗詳細開載毋得錯漏

云

刑部  
刑部  
刑部

起解遣軍流徒備具長文



招解人犯飯食銀兩在於移送三監添募禁更等項文內註

明

按察使司

爲通飭事光緒十五年五月日案據本署司獄稟

請云

云一案云

嗣後招審人犯到省支給飯食銀兩係交何役

承領共銀若干在於移送三監添募禁更燈油工食銀兩文內註  
明遷移司獄衙門隨犯費呈司獄於收禁時當堂查驗數目是否  
與文內所註相符如有不符卽由司獄移知該州縣計日補送倘  
解役私逃亦由司獄移請責革另派妥役來省顧案以示儆戒



軍流在途不得薙髮

按察使司翁 爲通飭事同治七年二月日案據署隆昌縣周令

岐源稟稱云

本司查例載軍流人犯每年薙髮一次仍合留頂

心一片等語至起解之後行至中途應否准其薙髮例無明文惟查秋審解省人犯必俟審畢發回後方准薙髮則遞解軍流人犯必俟到配後方准薙髮中途不得率薙互證參觀可以隅反該犯陳公犬行至漢州地方將髮薙去殊屬膽玩應將押解兵役提案嚴究以示懲儆惟既經起解沿途州縣自應驗明年貌箕斗如係正身照常遞解前進不得紛紛攔回致滋疎虞仰卽驗明該犯陳

卷之二十一

今

三

公大如係正身即行遞解前途仰候通飭各屬一體遵照辦理

夏月截留解犯

按察使司 爲通飭事光緒十年八月日奉

總督部堂丁 批本司呈詳萬縣何令遠慶稟稱云奉

憲臺批本司呈詳議覆一案本司遵議云嗣後未經起解人犯

於五月初一日以後七月三十日以前奉到文牌者人犯停解仍

禁本監俟八月初一日即起解詳咨報部即以八月初一日起限

隨案聲明免致逾違其五月初一日以前已經奉文起解人犯結

限於五月初一日行抵所在截留監禁俟八月初一日照常遞解

前進無論公安驛路曾否涸復不准攔回倘各州縣於五六月

月 夏 月 截 留 解 犯

內起解及藉口攔回者准下站察出稟明由司記過示懲

遞解軍流人犯分五名一起

總督部堂丁 爲照咨轉飭事光緒十二年三月二十七日准

湖北撫部院裕 咨據署歸州知州藍佩青稟稱光緒十一年十

一月二十六日據解役龔義盛等稟稱奉派押解四川暨巴東縣

流犯二十四名內林海生汪緒岡二犯於十七夜宿待明溪古廟

扭鎖同逃又十一月二十七日據解役王錦雲等稟稱奉派押解

川省流犯二十四名內尹廣傑一犯於二十一日挨晚行抵東湖

縣城內乘間脫逃先後稟乞緝究各等情據此卑職當卽提訊各

解役尙無賄縱情弊一面選差勒拏關移隣封營邑該犯等脫逃

遞解軍流人犯分五名一起咨

暨原籍地方一體協緝務獲究報屆限無獲照例開叅再提解役  
嚴審擬議另詳並經先行錄供具文通報在案查遞解軍流各犯  
一經途中脫逃地方官卽干處分在卑職僉差不慎固屬咎無可  
辭但有所以致合疏脫之由不容不力求整飭敢將實在情形爲  
我憲臺覲縷陳之卑州山路崎嶇上連巴東下連東湖爲川北出  
入孔道往來遞解人犯向係絡繹不絕本年恭逢正月初四日  
恩詔查辦減等川省軍流人犯遞至巫山入境首站聽候僉發安  
置無慮數百餘起卑職以人數太多恐有疏失曾經函致巴東成  
令照會巫山務須陸續分起遞解乃前途置若罔聞仍係大牌解

到每起或五六十名或三四十名至少亦在二十餘名以上就二十餘名而論按照一犯兩差兩兵併計已在百人上下成羣結隊一同行走沿途飯鋪窄小已難一處安頓况卑職到任以來首先整頓差役除無卯白役一律禁革不准入署外其閒闖葺疲玩奸狡巧黠之輩亦經隨時察看分別汰除實存在卯人役尙有奉票下鄉傳案及飭辦別項差事下鄉其餘總役諸役分班派合輪流解犯人數本屬無多至歸巴後營分防歸州原係水師改歸陸汛額設半營制兵計二百五十餘名除撥歸操防分駐十一塘汛及派往遊擊千總各衙門當差暨稽察私鹽協緝案件等事外

實存兵丁亦係分班撥合押解較之州差爲數多不及半一經遷到大牌流犯州營兵役往往不敷撥派卑職與營弁會商通融辦理或兵少則多派州差及至此起方去而彼起又來值此應接不暇之際兩處均無多人萬不得已少派一二名間或有之至僱用民夫遞解則實無此弊此卑州兵役遇有大牌解犯撥派不敷之實在情形也今歲自秋徂冬巴東遞解人犯無日不有無起不多且解來之犯多係洋鐵鎖函質之巴東稱係原來卽是此等鎖函均經卑職買換後立卽移營派撥兵役給發各犯口糧點驗尉鎖當堂點解諭令兵役人等小心管解起程無如各犯恃在人眾不

法歷次轉解無不任意滋鬧與兵役格外爲難沿途遇一飯店必  
羣邀入食食畢不自開消逼令差役照數償給差役不允卽盤踞  
將制不肯動身稍與理論輒肆詈辱爭持鎖鑰向差役朋毆屢有  
被毆倒地受傷沈重不能行走擡送回州之事該役等畏其兇橫  
既不敢回毆又恐羈延貽誤無可如何勉強脫衣質付店主算還  
飯錢各該犯以爲得計每店罔不進內大嚼必得各役所穿棉衣  
逼脫罄盡無可再剝而後已或遇日晚無店可投暫宿古廟乘兵  
役睡熟扭鎖而逃或於解到未收之時藉買食物人眾擁擠乘間  
脫逃該解役回州銷差具稟查驗各役身上衣物被剝殆盡當茲

嚴冬凜冽縮瑟情狀甚覺可憐受傷各役提驗屬實飭令醫調急  
切難愈下次解犯卽不能派合再往因而州中差役養傷甚多愈  
形短少本擬援照徒流又經犯罪稟請截留懲辦但各該犯業經  
遞解前進已屬無及現在各役一聞又有犯到莫不彼此相顧面  
無人色戰慄危懼畏如狼虎此各該犯恃眾行兇乘間疏脫之實  
在情形也卑職伏念該犯等膽敢兇橫無忌中途脫逃總由人數  
過眾所致茲聞東湖等縣均有疏脫之犯卑州一處情形比前途  
接遞各州縣諒亦無異若不作亡羊補牢之舉勢必至覆轍相尋  
且恐眾犯朋毆難保不別釀巨案並聞該犯等身上各有暗配匙

鑰遇有可乘之隙卽便自開鎖潛逸如果實有此弊尤不可不預爲嚴防再四思維惟有據實稟乞咨明

四川總督檄飭所屬暨巫山等州縣嗣後起解人犯務照定例按  
五名一起陸續分解至多不得過十五名之數並於點解時察搜  
各犯如有暗帶匙鑰卽行奪繳以防間逃並懇轉飭接遞各屬暨  
巴東東湖一體遵照辦理庶起解人數較少不敢恃眾逞兇滋事  
派撥兵役無虞不敷飭令加意嚴防諒不致再有疏失卽卑職等  
慎重僉差亦可藉免迭干吏議矣愚昧之見是否有當相應稟請  
察核祇遵等情到本兼署部院據此除批示外相應咨明爲此合

咨請煩查照飭屬嗣後起解人犯務遵定例按照五名一起陸續  
分解並於點驗時嚴搜各犯無任暗帶匙鑰以防間逃望切施行

滿流加徒外結章程

按察使司

爲通飭事光緒十二年月日案據永川縣某合稟

稱縣民李加鈴誣告人死罪未決繫石年限一案本司查外結繫  
桿定章止按徒流罪遣分別輕重酌定年限滿流加徒之犯如何  
定限初未議及該縣原擬徒流並計固屬誤會現請滿流予限八  
年及於八年限滿酌加二年之處雖在十年之內究欠妥協惟查  
滿流加徒人犯量減一等例應總徒四年較軍流減等僅以滿徒  
爲重所有李加鈴一犯請比照遣軍年限十年限滿查看能否悔  
悟再行詳請核示云

云

戶部會典

卷一

三二

匪徒外結章程

按察使司文 爲通飭事光緒二十一年七月初四日奉

總督部堂鹿 批據茂州具稟拏獲積年不法惡棍蔣老三擬請

援照懲辦匪徒外結章程酌加監禁十五年以示懲禁一案奉批

查蔣老三於光緒十七年間搶奪蕭興發銀子衣物並毆蕭興發

受傷該州丁牧如何責懲保釋當時未據稟報無案可稽茲據該

州稟稱蔣老三因向薛世發訛搆未遂將其砍傷等情查核情罪

係屬偶然挾詐逞兇尙非實在惡棍可比况被害者既未控告約

鄰等亦未證佐又未訊取蔣老三確鑿供詞僅以約畧數言率將

蔣若三前未稟報之案强行牽敘入稟照外結章程酌加監禁辦理未免草率本督部堂披閱案牘各州縣如此等案件稟請加禁者不一而足雖泊蜀宜嚴古有明訓然必核其情罪量加懲創如法難寬宥原不容曲法以長奸而情有可原亦不宜畧情而峻法若以案歸外結不妨通融並不訊取供詞率稟擬罪是徒爲州縣開方便之門施操縱之術殊失當時定章本意嗣後如有似此案件必須取具全案供詞參以證佐實係屢次無故生事行兇擾害或一時一事實情兇勢惡核明罪案例應擬軍者卽或照外結章程免予詳解稟請監禁並不准以議定年限之外酌加監禁以

更典章而昭平允所有蔣老三一案卽照此批再行確訊另詳辦  
理仰按察司通飭各屬並行該州一體遵照云

中國古代地方法律文獻 丙編 第十五冊

四庫全書

卷一百一十五

前任未結命案正犯已斃從犯酌歸外結

按察使司

爲通飭事光緒

年月日奉

總督部堂丁

批此案印官參限已盡正犯伍張伙業已病故該

縣擬將從犯熊長娃酌歸外結事屬可行惟由流減徒應予繫桿  
五年限滿再行稟辦如有似此案件前任延不辦結者卽行逐案  
清查察看辦理毋令罪不致死之犯概行痕斃囹圄中也

云

云

前任未結命案正犯已斃從犯酌歸外結

中國古代地方法律文獻 丙編 第十五册

古今圖書集成

卷一百一

三

四七六

外結桿犯脫逃緝獲擬辦章程

按察使司如 爲通飭遵辦事光緒十一年二月日奉

總督部堂丁 批本司呈詳據興文縣知縣白曾煦具稟拏獲鎖

繫鐵桿逃犯張遇寬一名訊供請示擬辦一案奉批桿犯逃後獲

案該縣所擬辦法固無不合惟查川省近年外結桿犯之案不一

而足誠恐以後似此逃後被獲者尙多究當如何各屬外結桿犯

未經限滿脫逃者定限若干日緝獲該犯如何擬辦看獄如何擬

罪均應明立定章詳請通飭遵辦庶不致或輕或重致蹈兩歧繳

等因奉此仰見

憲臺慎重刑獄碩畫周詳之至意竊維此等鎖繫桿礮人犯均係例應罪擬徒流軍遣恐在途在配脫逃故酌量繫以桿礮以消其桀驁之氣而又定立年限予以自新之門法至良意至善也乃該犯等不知改悔往往乘間脫逃若不明定章程量爲加等誠恐效尤者日多玩法者無做查律載徒流遷徒充軍囚人役限內而逃者一日笞五十每三日加一等罪止杖一百仍發配所其徒囚照依原犯該徒年分從新拘役主守不覺失囚者杖六十每一名加一等罪止杖一百皆聽一百日內追捕又例載軍流罪犯在配所脫逃勒限一百日嚴緝將該犯拏獲到案各照定例分別治罪其

看守之保甲革役免罪如逾延不獲一名者杖八十每一名加一  
等罪止杖一百又流罪人犯如有在配脫逃者初次枷號一箇月  
二次枷號兩箇月三次枷號三箇月又察光緒八年前陞司張任  
內核議詳請通飭內載嗣後盜竊案內及一切兇惡棍徒比例請  
鎖繫鐵桿石墩者查該犯原犯罪名如罪應擬遣者定限十年軍  
流定限八年滿徒定限五年仍按半年爲一等以爲遞減杖罪定  
限二年笞罪定限一年如果限滿該犯不知改悔仍怙云等語  
今該縣將脫逃釋犯張邁寬拏獲請照從新拘役之例辦理誠如  
憲批固無不合第此等人犯鎖繫年限各有不同若如該縣所擬

將脫逃梃犯概照從新拘役之例其繫梃二三年之犯脫逃獲案照例從新拘役統計不過五六年之限若能改悔尙可省釋設若十年八年之犯逃在未經限滿之前或逃在將近限滿之際拏獲到官亦照例從新拘役連前繫過月日接算則已十餘年至二十年之久在年少身強者能知改悔期滿尙可冀其省釋老弱之犯難免不斃於縲紲雖有改過之心恐無偷生之日殊非推廣

皇仁之道今本司詳細核議擬請嗣後盜竊案內及一切兇惡棍徒比例鎖繫鐵梃石墩之犯如由遣罪鎖繫梃墩十年者未經限滿或將及限滿脫逃拏獲到案加繫梃墩五年連前繫過月日接

算統計止鎖繫十五年如由軍流鎖繫梃礮八年者脫逃獲案加  
繫梃礮四年連前繫過月日接算統計止鎖繫十二年初次仍照  
例杖一百枷號一箇月二次杖一百枷號兩箇月如三次脫逃杖  
一百卽改爲永遠監禁至看役勒限一百日嚴緝限內拏獲革役  
免罪逾限不獲照看守之保甲逾限不獲一名者杖八十例擬杖  
八十每一名加一等罪止杖一百如由徒罪鎖繫梃礮五年者脫  
逃獲案加繫梃礮二年半每徒一年者加徒半年五徒照此遞推  
初次脫逃係徒一年者加杖六十五徒各照定例應得杖罪決之  
二次脫逃於杖罪之外枷號一箇月三次枷號兩箇月看役亦勒

刑部律例

三

限一百日追捕限內拏獲革役免罪逾限不獲照主守不覺失囚者杖六十律擬杖六十每一名加一等罪止杖一百如由杖罪鎖繫梃礮二年者脫逃被獲加繫梃礮一年由笞罪鎖繫梃礮一年脫逃被獲加繫梃礮半年均連前繫過月日接算初次脫逃者加枷號半箇月二次者加枷號一箇月三次者加枷號兩箇月看役仍限一百日追捕限內拏獲免罪逾限不獲均照不應輕律笞四十每一名加一等罪止杖八十均革役其有賄縱情弊及監候待質人犯各照定例辦理至疏脫梃犯之該管官查前陞司張議有記過罰銀定章詳蒙批准通飭在案應仍飭照定章辦理如此明

定章程則犯人知所做懼看役責有攸歸各屬辦理畫一不致輕重兩岐矣所有遵批核議桿犯脫逃獲案及看役擬定罪名緣由是否允協理合具文詳請

云奉

批所議甚妥應卽如詳轉飭照辦並通飭各屬一體遵照繳等因

奉此合就通飭

云

中國古代地方法律文獻 丙編 第十五冊

四庫全書

卷之

四八四

四八四

梟犯脫逃重懲章程

按察使司 爲通飭事光緒十四年五月二十九日奉

總督部堂劉 批本司呈詳遵批議覆梟犯脫逃重懲章程立案  
通飭一案案奉

憲臺批本司呈詳廣元縣議詳寄押平武縣梟犯張巾迺乘間扭  
梟脫逃百日限滿無獲一案奉批川省梟犯大抵皆罪應擬斬從  
輕辦理之夥盜若聽其疏脫盜風更熾仰將看役程全等另議重  
懲通飭各屬永爲定章並詳院立案仍勒緝逃犯張巾迺獲報再  
該縣疏脫梟犯照章應罰繳記過銀兩來詳漏未敘及並飭遵照

梟犯脫逃重懲章程

繳等因奉此本司遵查各屬繫梃人犯內多強盜棍徒繫以梃破  
定以年限原欲化其桀驁以安靖地方無如日久法弛官掉輕心  
役失看管以致近年繫梃人犯紛紛脫逃遵查現奉

憲批渠縣梃犯羅元脫逃限滿無獲一案飭令通緝以後凡有鎖  
繫梃人犯脫逃將疏脫之看役卽解該管府廳州枷號勒交如  
果限滿無獲再行提訊有無賄縱情弊照看守之保甲加一等治  
罪仍比照舊章將該州縣記大過二次記過應罰銀兩照原數加  
倍解繳等因遵奉在案擬請嗣後各廳州縣梃犯卽遵照

憲批將疏脫之看役解由本管府廳州先行枷號如能於限內獲

犯卽予省釋革役限滿無獲議詳後由府廳州將看役從重杖一百再加號兩個月不准更名復充地方官應繳加倍罰銀亦責成該管府廳州於議詳時勒令申解隨詳贖司至限滿議詳亦應明定章程以免任意遷延該府廳州出詳請以梃犯脫逃百日限滿之日起予限一個月詳司司中二十日呈詳

憲轅如詳文到日罰銀未隨案申繳者卽由司駁回如該廳州縣任意遷延由司隨詳開送職名請予記過如此明定章程俾各管府廳州咸知警畏各該廳州縣亦不至仍前漫不經心至梃犯脫逃記過罰銀有以大功詳請抵過邀免罰銀司中有批准者有駁

飭不准者辦理兩歧嗣後此項罰銀應否准以大功抵免之處祈  
憲示立案以昭畫一再十四年五月以前所有各廳州縣脫逃桿  
犯百日限內業已詳結之案應繳記過罰銀尙未申解者亦請以  
此次奉批之後由司分飭應解罰銀之各員予限三月全數申解  
如逾限仍不申解卽由司委員守提庶足以爲玩泄者戒爰奉飭  
議是否有當理合詳請俯賜察核批示立案以便通飭遵照奉  
批據詳所議甚屬允協應准如詳立案仰卽由司通飭各屬一體  
遵照辦理至此項記過罰銀旣應照原數加倍申繳則以後各廳  
州縣如有請以大功抵免之處應以兩大功方准抵免一大過以

符加倍之數并通飭各屬一體遵照繳等因奉此除通飭各屬遵辦外合就札行札到該府卽便遵照轉飭所屬嗣後疏脫梟犯之案立將疏脫之看役先由該府先行枷號如能於限內獲犯卽予省釋革役限滿無獲議詳後由府將看役從重杖一百再枷號兩個月革役不准更名復充地方官應繳加倍罰銀亦責成該府於議詳時勒令申解隨詳覈司如從前有大功者准以兩大功抵大過一次亦隨詳明白申敘以便移明

藩司查覆詳請抵銷至各屬議詳均以梟犯脫逃百日限滿一個月出詳該管府廳州各予限二十日核轉如議詳到司所記大過

並無大功可抵罰銀未隨案申繳者卽查照新章駁回倘有逾限  
由司查明係何衙門遲延卽隨詳開送職名請予記過再該府所  
屬如有未經此次通飭以前梟犯脫逃尙未議詳之案亦卽飭令  
奉文一個月內迅速議詳罰銀隨詳申繳有大功者均准以大功  
抵免罰銀如仍前玩延卽照新章記過再各直隸廳州梟犯脫逃  
卽由該廳州自行核辦徑詳來司亦予限一個月勿庸詳道核轉  
以免稽延切切毋違此札

繫帶鐵桿人犯脫逃記過罰銀章程

按察使司

爲通飭事竊查川省近年強盜案內應擬遣軍流

徒人犯以及積慣訟師竊匪兇惡棍徒俱皆分別情罪重輕定以繫帶鐵桿石礮年限原以此等人犯最爲狡黠解省招審每多翻異輾轉拖累以及定案起解往往在途脫逃並不到配潛回原籍仍爲地方之害是以就地鎖繫示懲以消其桀驁之氣兼以恤州縣審解之煩所以懲兇徒而靖地方立法未爲不善無如日久弊生該州縣以案歸外結並無限緝處分視爲無關緊要既不派撥妥役看管又復吝惜小費不行製造結實鐵桿以致此等人犯多

繫帶鐵桿人犯脫逃記過罰銀章程

致毀桿脫逃現據各屬詳報不一而足似此玩縱與立時開釋何異匪徒無所警畏地方安望清謐若不立定考成何以懲疏玩而專責成擬請嗣後繫桿人犯疏脫一名將該管官記大過一次照詳定舊章大缺罰銀壹百兩中缺捌拾兩小缺陸拾兩隨案解司詳明存庫以作緝捕經費如積至三案尙未申解卽移會藩司撤委交卸回省之員如未解清卽不註冊差委以爲玩忽之戒倘敢隱匿不報一經查出或被告發立即撤任查叅如此明定章程俾州縣咸知警畏不至仍前漫不經心疏脫纍纍於懲治匪徒不無裨益所有定擬疏脫繫桿人犯章程緣由是否允協理合詳請

分禁內外監

按察使司文 為通飭事

云

查監禁罪囚強盜并斬絞重犯禁

內監軍流以下禁外監其外結人犯亦應鎖繫外監不得牽混何

得任聽雜處致有疏虞該州既有此弊他處恐亦難免應并由司

通飭各屬一體遵照

云

光緒二十二年十二月初八日通飭會理州案

已分 禁 內 外 監



外結人犯概予收禁外監

署按察使司黃 爲通飭事光緒二十六年十月初九日奉

總督部堂奎 批本司呈詳遵批議覆天全州吏目稟外結人犯請仍繫桿墩或撥收外監以免擾壞監規釀成大獄一案查川省盜匪之多甲於天下其竊盜案內遣軍以下人犯皆兇狡成性而罪不致死誅之不能照例發配又慮中途配所脫逃潛回滋事是以不得不從權變通酌歸外結原辦鎖禁桿墩因被奏參經欽差查辦禁止遂改監禁迄今行之多年誠如

憲批未便遽事更章惟前項外結人犯各州縣或收內監或收外

監辦理既未劃一流弊卽所難免其內監皆達部要案重犯若合與該犯等雜處其中設有事故辦理亦多掣肘應請通飭各屬嗣後各項外結監禁人犯概予收禁外監並飭看役人等嚴爲管束不准婦女入監探視以杜流弊仍飭各州縣將遵辦緣由並將外結各犯姓名罪由錄摺報查俾昭核實是否有當理合具文詳請俯賜察核批示飭遵奉批如詳通飭遵辦繳等因奉此除通飭遵辦外合就札行札到該府卽便轉飭遵照辦理通報查考毋違此札

梟犯患病

按察使司 爲通飭事光緒十年八月日奉

總督部堂丁 批本司呈詳遵批議覆梟犯患病一案奉

憲臺批本司呈詳黔江縣詳報梟犯李馨峒在保病故一案奉批以該犯故後始行開脫鐵梟飭司核明詳覆等因奉此本司遵查云 嗣後梟梟人犯患病一經提驗屬實卽行疎梟交保醫調病痊之日再行補繫以示矜恤仍隨時密查看役保戶人等有無廢虐情弊分別嚴懲

四九八

卷一

四九八

瘋病監斃分別委驗提訊

按察使司

爲通飭事道光二十年案奉

總督部堂

批本司呈詳馬邊廳稟請示遵一案奉

憲臺批該司妥議詳奪等因奉此本司遵查瘋病殺人永遠監禁及過失殺人雖同一絞罪收贖究與竇犯絞罪不同誠如所議遇有本犯在監因瘋因病身死自可卽由各廳州縣自行驗報若或案未審定如遇監斃該刑禁人等有無陵虐情弊仍當詳請委驗提訊以昭慎重至到案時驗係因瘋覆審供吐明晰之案如瘋又忽發癩斃固圍並無別患他病是其死仍因瘋與帶病進監者初

瘋病監斃分別委驗提訊

無一致所有管獄官職名自應免其開送

云

外結人犯遇 恩詔查辦

按察使司張 爲遵批札飭事光緒八年二月日奉

總督部堂丁 批本司呈詳甯遠府知府于宗綬稟稱恭逢光緒

七年五月十四日

恩詔查辦軍流以下人犯分別減等奉文後當卽轉行各屬一體

欽遵辦理在案竊查

恩詔查辦之犯均係題咨內結人犯而外結人犯未經題者不得  
與焉查外結人犯或因案情疑似難定爰書或因承審遲延難扣  
例限更有情浮於法加重示懲亦有律無明文比例科斷題咨恐

干部詰轉致定案無期不得不從權辦理酌歸外結其罪名分別年限或永遠監禁枷號或繫帶鐵桿石墩究其本罪亦不足退軍流徒當稟辦批結之時固已衡情定罪原無虞其枉縱惟逢

恩詔之年不得與內結人犯一體查辦未免向隅圖扉久閉豈無邁病之囚縲紲長拘或有自新之犯乃因案歸外結遂至原宥無門其情似覺可憫合無仰懇推廣

恩詔詳請督憲通飭各屬將歷來外結人犯查辦一次先由州縣造具原案清冊申資府州卽由府州詳核案情分別准減不准減一准諸奏定條款章程庶不致輕重失宜其准減人犯有年限者

酌減一二年無年限者酌量給予年限俟滿卽行開釋如犯年七十以上及已成篤疾暨原稟批准拘禁四五年已經守法三四年者概予保釋逐案核定彙冊稟候核示遵辦弁懇嗣後每遇恩詔一次另檄通飭查辦一次俾外結人犯同沾寬大之恩勉圖自新之路以廣

皇仁而示矜恤愚昧之見是否有當理合稟請云云等情到司本

司覆查該府所稟請將外結人犯推廣

恩詔一體查辦係爲矜恤庶獄起見可否按照內結人犯詳核案情分別准減不准減以示矜恤之處理合具文詳請云云

巴人與會通

五

監候待質人犯年久省釋

按察使司

爲遵批札飭事光緒十四年六月初一日奉

總督部堂劉

批據興文縣趙煥稟竊爲政以民命爲重罪人有

減等之條凡暫行監候待質人犯若令永遠監禁必致拖死囹圄亦非矜恤庶獄之道卑職隨時檢查檔案細核情節輕重虛實其中有待質多年案情兩輕而結案無期不忍令其久羈煩弊惻隱之心怦怦動矣查該犯羅檳一名係因聽從陳連生等行劫梁光年家該犯腹痛未行事後亦未分贓經前縣伍令生輝拏獲訊供稟奉批飭暫行監候待質在案又伍令任內拏獲吳萬盛家被劫

案內之黃潤沅卽黃大皮一名羅富山等家被劫案內之姜榮升卽姜樹堂一名均稟奉委員到縣會審以該犯黃潤沅供情游移姜榮升實不知羅富山等家劫情稟奉批飭暫行監候待質在案查此三犯候質歷年已久而情節最輕且屢經卑職提訊該犯等原犯情節均極口稱伊等實不知竊劫等情亦無不法之事伊羅檳黃潤沅從前均因到案心慌俱怕受刑一時隨口混供是以致干監禁等語雖未可深信但查該犯姜榮升自到案後始終並未認供羅檳黃潤沅各原犯亦均游移莫定而該犯等俱自光緒七年十一月先後到案監禁至今已歷六年之久而情節尙輕且各

逸犯又經數任緝獲無期無憑質實擬議未便聽其久以疑案繫  
獄不獲赦宥查各犯經卑職隨時察看均皆改悔自新合無仰懇  
憲恩從寬准予省釋飭令該犯羅檳等覓取妥保出外候質以示  
體恤而省拖累所有卑縣暫行待質監犯羅檳等三名在監年久  
應請保釋緣由是否允當卑職未敢擅專理合稟請憲臺俯賜察  
核批示祇遵再卑職更有請者查此等暫行監候以致日久淹禁  
人犯各州縣亦必有可否通飭一體查辦以清庶獄之處伏乞  
鈞裁奉 批據稟已悉查明該犯羅檳等監禁年久原犯情節尙  
輕未便聽其久羈瘼斃仰按察司查案核明如與此稟相符卽飭

將該犯羅櫛等取文舉人及正途五貢二三人的供當堂交保候  
質以示矜恤而免疲斃至所請通飭各屬一體查辦以清庶獄之  
處均由司轉飭查照辦理繳等因奉此除由司核飭興文縣將該  
犯羅櫛等暫行保候並分移查辦擬合移知等因准此合就札行  
爲此札仰該府卽便轉飭云

云

# 團練章程

成都府劉 爲通飭事光緒二十四年十一月初一日奉

總督部堂奎 札開照得團練之法家自爲兵民自爲力取其切

於自護而勇於戰攻是以遠征客兵不若近集團練以戰守皆得其便也近來各處土匪蠢然蠕動始則託名仇教引誘鄉愚繼且虐及村場恣其魚肉自古亂民竊發滋事之初無不假爲義舉用以搖惑人心及至黨羽旣成肆無忌憚始知其害而豐豕長蛇已不堪其荼毒矣此次嘯聚各匪皆係烏合之眾業經本部堂調集各軍分頭痛勦殲其首惡宥其脅從如蔣玉春父子業已拏辦正

法此外釜底游魂不難尅期殄滅惟是各屬團練當仰體除暴安良之心惟守望相助之義同心協力以靖地方乃聞有淺見寡聞之徒遇匪入境並不力爲勦捕並袖手聽其游弋或出錢與之買和甚有贖資供應者實屬不明義理在若輩以爲自顧目前可以苟安無事不知豺狼之性貪噬無厭愈寬縱則愈肆猖狂長惡者奸伊於胡底荀子謂服者不擒格者不教刑亂用重法所當然豈可以煦煦之仁貽將來無窮之患乎合就札行爲此札仰該府迅卽轉飭各屬尅向辦團各紳剴切曉諭激以忠義鼓其作氣令其督率團勇認真巡防遇有匪徒滋事無論本境外來務卽各奮其

矛痛加截擊毋稍疎懈以淨根株各團練果能智誘力擒除其首  
要本部堂不惜重費優賞以待有功惟不准再蹈前轍妄與周旋  
有敢私相款待亦務損威查出卽照通匪懲辦不稍寬貸各州縣  
亦當盡心督率與共甘苦收眾志成城靖內禦外之效並由各州  
縣分移營汛一體凜遵此札等因

云

云



# 通飭捕盜章程

布政使司崧  
按察使司游

爲遵札議覆事光緒十三年三月十三日奉

憲臺札開照得本年正月間該司呈詳州縣盜案懲處章程內載  
一月五起無獲撤任留緝未免太寬經本部堂改爲四起無獲撤  
任留緝在案原冀各屬稍知警惕辦團保於未事之先嚴緝捕於  
出事之後或可漸次挽回藉以戢盜風而清盜源乃迄今數月各  
屬盜案仍復迭出可見州縣於團保事宜全不認真舉辦合行札  
飭札到該司即便遵照再行嚴定捕限章程俾知振作益一月未  
滿四起若竟出有三起以一年計之當有三十六起之多尙復成

何局面地方何以安靖耶應酌議或三個月或半年由司彙核一次如有四起未獲卽予撤任留緝以示限制而重捕務仍隨時稽查各屬如有諱匿不報或被事主控告得實者立卽詳請叅辦勿稍徇隱仰卽議覆立案切切毋違等因奉此仰見

憲臺整飭捕務弭盜安良之至意查前議捕盜章程奉批更正一月內出盜案四起未獲卽予撤任留緝誠如

憲札若一月內未滿四起竟出三起未獲以一年計之爲數甚鉅尙復成何事體應請嗣後以半年由司彙核一次如有四起未獲卽予撤任留緝餘照前章以示懲儆惟前議章程業已由司通飭

現據各屬紛紛冊報約計三月底即可報齊應請於四月初聞先行由司委員彙核一次照前章詳記功過以後於四月初一起遵照新章按半年彙核一次似此更定章程庶地方官咸知認真保甲嚴防於未事之先整頓捕務獲犯於既事之後洵足以戢盜風而清盜源所有遵批核議緣由是否有當理合具文會詳

憲臺俯賜察核批示以便通飭各屬一體遵辦爲此具由呈乞

照詳施行  
光緒十三年四月十九日奉

總督部堂劉  
批如詳分飭遵照繳冊存

中國古代地方法律文獻 丙編 第十五册

中國社會主義

卷一

三七

通飭捕盜外辦懲處章程

布政使司  
按察使司游

為議詳事案奉

憲檄以川省盜風甚熾各州縣往往於出劫案後並不認真偵緝若不嚴立外辦懲警章程殊難挽回積習嗣後各州縣應於詞訟月報內添入命盜案分別管收除在註明已否獲犯按月造報以各州縣到任之日起核計每月各案起數已未獲犯處以記大過摘頂或撤任留緝其重者奏參撤任留緝又其重者立予甄別開缺降革以示懲創行令會同擬定冊式嚴議章程詳覆核辦又據灌縣知縣莊合裕筠稟稱職員董朝綱家被賊臨時行強一案奉

四川通飭章程卷一  
通飭捕盜章程

憲臺批以盜風未息良由捕役妄拏充數官司藉希消案以致真盜免脫且近來獲盜起贓審辦每與失主原報贓冊不符迨至批駁輒以漏敘矯辯坐實犯罪其中寃累伊於胡底飭卽悉心籌議妥善章程通飭嚴禁各等因奉此查川省地廣民稠人心浮動盜劫之案甲於各省雖經疊飭拏辦總未見盜絕風清各屬具報被劫之案仍復層出不窮推原其故皆由各牧合怠忽因循玩視民瘼旣不能認真團甲防範於事前又不能實力捕拏獲辦於事後因而盜劫頻仍地方安有甯日迨至奉飭查拏輒任聽捕役妄拏無辜及以一二鼠竊小賊充數塞責甚至希圖規避處分設法消

弭諱匿不報尙復成何事體若不嚴定章程誠如

憲諭難以挽回積習本司等悉心會議分別功過酌量勸懲謹擬章程六條開摺呈請

鈞核如蒙

允准卽通飭各屬以奉文之日起有定章後到任者以到任之日起一體遵辦其該牧令所得功過准其相抵至命盜案件如添入詞訟月報冊內未免溷淆且各州縣詞訟案件較多查造有需時日月報冊簿多未能依限申實命盜案件較詞訟爲重不容遲延應另立一冊按月造報分別管收除在逐起造入註明已未獲犯

不得隱漏上月之冊定下月初五以前造齊發遞卽距省最遠州縣統限三十日以前一律到省誠恐沿途州縣接遞稽延並令各該州縣刻一此係命盜月報務須隨到隨遞字樣截記於外封上鈐蓋沿途州縣若遇此項月報到站立即飛遞前進不准壓前等後以免延誤其各屬月報到司爲數不少未易清查由本臬司委員核對彙開總摺呈由本臬司核明開摺報院並榜示官廳俾各牧令咸知警惕庶捕務可期認真而盜風得以漸息矣是否有當除擬定冊式呈核外理合遵用預印空白具文會詳呈請

憲臺俯賜察核批示祇遵至命案前定章程飭令各州縣將據報

勘驗情形於五日內先行稟報一月內訊供通詳遵照例限審解  
歷經遵辦尙不至有逾違似可毋庸另議章程以省案牘再時值  
封篆不及會印合併聲明爲此備由具冊呈乞

照詳施行

謹議捕盜章程開摺呈請

憲鑒

一各州縣一月內出盜案一起未能破獲者記大過一次兩  
起未能破獲者記大過三次三起以上未能破獲者摘頂勒  
緝後能破獲兩案准予開復頂戴限滿無獲立即撤任四起

以上未能破獲者撤任留緝後能破獲及半准免留緝其有案情重大起數較多分別奏請撤任留緝或甄別開缺降革以爲疏防惰緝者戒

一各州縣盜案該牧令如能於報案十日內首夥全獲及獲犯過半兼獲盜首者各記大功一次能於兩起盜案首夥全獲及獲犯過半兼獲盜首者實任人員記大功三次署事人員給予儘先委署一次同通署任者給予委署州縣一次其有拏獲著名巨匪及破獲多案隨時酌量優獎以爲緝捕勤速者勸

一各州縣盜案該牧令任聽捕役妄拏平民及以鼠竊小賊希圖充數銷案者卽予撤任嚴叅以爲寃累無辜者戒

一各州縣盜案毫無賊據該牧令並不悉心研鞫徒事刑求草率定供稟辦者卽予撤任嚴叅以爲草菅人命者戒

一各州縣盜案該牧令於事主報案時務將失賊詳細查明據實冊報不得錯誤遺漏如有奉駁後以漏敘狡辯者記大過一次以爲辦事草率者戒

一各州縣盜案該牧令於此次定章後圖免處分諱匿不報者立予撤任嚴叅以爲取巧規避者戒

刑部通志卷之三十一

五十一

總督部堂劉 批所擬盜案冊式尙合體制惟摺開五起不獲撤  
任留緝未免太寬應改爲四起不獲撤任留緝至每月冊報均於  
馬封背面刊印排單由臬司擬定格式頒發各廳州縣飭令沿途  
驛站填註月日時刻以便稽察而杜沿途擱壓之弊如各廳州縣  
稽延及漏不填註由司查出詳請分別記過釐金一項應照此辦  
法由藩司會同釐金總局擬定格式通飭各局委員遵辦違亦照  
據記過至所議捕盜章程均照辦如團保登時獲盜除給賞外仍  
將各廳州縣照獲盜定章議獎以爲認真辦團者勸仰卽添入通  
飭各屬一體遵照毋違此繳 光緒十三年正月十三日奉批

變通捕盜功過章程

按察使司文 爲遵議會詳事光緒二十一年六月二十九日奉  
總督部堂鹿 批本司會同藩司呈詳案奉

憲檄案查光緒十三年兩司詳定州縣捕盜功過章程先則一月  
一議繼則半年一議立法未爲不善惟州縣往往妄拏捏報一人  
卽爲破案又不按例稟辦且恐株連搪塞雖獲不如不獲飭將功  
過章程再加核議並令分別盜多盜少之處限定半年內幾案不  
獲撤任務使切實可行庶泄沓者知所勸懲勤能者無虞束縛其  
餘應否損益一併妥議會詳等因奉此遵查川省地廣烟稠各屬

稟報盜劫之案幾於無日無之揆厥所由皆以各牧令既不能認真團甲於事前又不能相機懸賞力捕於事後以致被盜易而獲盜難原定功過章程如一月內出盜案一起未能破獲者記大過一次兩起記大過三次三起摘頂四起撤任留緝未免過嚴因此各州縣欲顧考成漸圖規避借盜銷案者有之妄拏抵案者有之甚至諱劫爲竊虛應故事弊竇叢生誠如憲諭與其嚴而無實不若寬而有制本司等公同悉心酌核擬請嗣後如各州縣一月內出盜案一起卽於失事之日爲始給限兩個月未能破獲記大過一次兩起限三個月未能破獲記大過兩次三起以上給限四個

月未能破獲摘頂勒緝後復破獲兩案仍准開復頂戴五起以上  
限滿半年未能破獲立卽詳請撤任盜案交與接任官緝拏其成  
都敘州二府邛綿二州夙稱多盜之區如一月內出盜一二起仍  
照兩月三月之限一律記過三起以上給限五月未能破獲者摘  
頂勒緝六起以上屆滿半年未能破獲者亦卽詳請撤任似此量  
爲變通寬予限期官則藉以盡心緝捕盜或可以弋獲民亦得免  
拖累仍定稟報獲犯時必於賊證供三項之中有一二得實者方  
爲破案完議倘供尙支離而又無賊無證軌行混稟塞責或續獲  
眞盜供明先獲屬虛一經查出先記大過一次以儆欺朦其情重

賊多之案奉批立有嚴限者亦令該州縣於月報冊內將奉批及滿限各日期隨案添註以便按限另議詳請撤任留緝重則甄別開缺降革以爲疏防惰緝者戒其餘原定章程內如於報案十日內獲盜過半及首夥全獲者分別記功給獎一條又事主失賊務須查明造冊轉報錯漏者記過一條又捕役妄拏平民小賊希圖充數銷案並盜案毫無賊據徒事刑求草率定供稟報與圖免處分諱匿不報者並予撤任嚴叅三條察度均尙平備仍照舊章辦理並令各州縣務將月報各冊按限加緊馳報俾資考核不得再涉疎漏所有遵飭會議緣由是否允協理合會銜具文詳請察核

批定下司以便通飭各屬一體遵照新章舉辦以昭畫一奉  
批據詳會議捕盜功過章程於盜案捕限則量爲變通於十日內  
獲盜及造冊錯漏暨妄拏充數草率稟報與諱匿不報者則仍照  
舊章均屬允協仰卽通飭各屬一體遵辦並飭將月報各冊隨案  
添註奉批及限滿各日期按月加緊馳報以資考核繳等因批司  
檄府奉此合就札行札到卽便遵照辦理毋違此札

四庫全書

卷一

三

疏防惰緝章程

按察使司

為通飭事光緒二十一年八月

日案奉

總督部堂鹿

云

嗣後如州縣一月內出盜案一起即於失事

之日為始給限兩月未能破獲者記大過一次兩起給限三月未能破獲者記大過兩次三起以上給限四個月未能破獲者摘頂勒緝後能破獲兩案仍准開復頂戴五起以上屆滿半年未能破獲者立即詳請撤任盜犯交與接任官緝拏其成都敘州二府邛綿二州夙稱多盜之區如一月內出盜案二起仍照兩月三月之限一律記過三起以上給限五月未能破獲者摘頂勒緝六起以

上屆滿半年未能破獲者亦卽詳請撤任似此量爲變通寬予期限官則藉以盡心速捕盜或可以弋獲民亦得免枉累仍定稟報獲犯時必於贓證供三項之中有一二得實者方爲破案免議倘供尙支離而又無贓無證輒行混稟塞責或續獲真盜供出先獲屬虛一經查出先記大過一次以儆欺朦其情重贓多之案奉批立有嚴限者亦令該州縣於月報冊內將奉批及限滿各日期隨案添註以便按限另議其於原定章程內如於報案十日內獲盜過半及首夥全獲者分別記功給獎一條又事主失贓務須查明造冊轉報錯漏者記大過一條及捕役妄擊平民小賊希圖充數

銷案並盜案毫無贓據徒事刑求草率定供稟辦與圖免處分證  
匿不報者並予撤任嚴叅三條察度均尙詳備應請仍照舊章辦  
理並合各州縣務將月報各冊按限加緊馳報俾資照核不得再

有疏漏

云云



盜案竊案據實核辦

按察使司 爲通飭事光緒十七年三月初四日奉

總督部堂劉 札開照得各屬盜案竊案自應據實核辦不得稍  
含混州縣圖避處分往往諱盜爲竊者有之事主希冀破案往  
往以竊爲盜者有之殊非懲治匪徒慎重民命之道爲此合行札  
飭札到該司卽便遵照嗣後各屬稟報竊案盜案須將事主原報  
呈詞抄粘呈核雖稟詳與報呈情事不符亦不遽予申飭俟定案  
後再行察核虛實分別辦理旣可以察諱盜爲竊之州縣亦可以  
辨以竊爲盜之刁徒倘各屬稟報時並不粘送原報呈詞是爲有

盜案竊案據實核辦

心含混每案先予記大過一次以示薄懲並飭各屬以奉文之日  
起如係寫遠之屬以五月初一日起一律遵行仰卽通飭各府州

縣照辦云

云

會審拏獲匪犯擬罪稟不必再列防營銜名

成都府耆 爲通飭事光緒二十年九月十四日奉

署成綿龍茂兵備道張 札開案准

臬司 移開光緒二十年八月十一日奉

總督部堂劉 札開照得各路防營會同牧令拏獲匪徒自可列

銜會稟至會稟到院業已批示交州縣審辦外該州縣訊取確供

請委鄰封州縣會審擬定罪名稟內只列會審之鄰員銜名不必

會列原送之營官銜名以歸劃一除行各統領轉行各營知照外

合行札飭札到該司即便通飭各屬州縣一體遵照云

四川通飭章程卷二

二十二

會審拏獲匪犯擬罪稟不必再列防營銜名



盜案分別解省委審章程

總督部堂丁 爲通飭事照得川省近來盜風日熾本部下車以  
來查各屬具報搶劫拒傷之案一縣之中多至十餘起或數十起  
不等此外隱匿未報者更不知凡幾推原其故固由各屬之緝捕  
廢弛亦由獲盜詳辦招解無費以致因循諱匿相習成風此盜劫  
所以日多而地方所以不靖也檢查同治七年

前督部堂吳

奏定章程以離省較近成都嘉定瀘川三府眉邛資綿四州所屬  
尋常盜案仍照定例解省審勘遇有匪徒聚眾十人以上及拒捕

盜案分別解省委審章程

刑部會典卷之二十一

五

殺傷事主捕人者卽屬大夥重案隨時訊供稟候核示或委員詣  
審或飭府州提審就地懲辦以昭炯戒此外各屬距省較遠無論  
大夥尋常之案均免解省仍照近省照案錄供稟候酌量擬辦等  
因通飭遵照在案是立法本極周詳辦理無虞枉縱惟失事具報  
之日通稟之例未將道里遠近分晰指明勒限稟報該地方官難  
保不相率諱隱擱延不辦以致獲盜無期貽害閭閻合亟通飭爲  
此札仰該縣遵照嗣後如遇有搶劫案件其失事地方相距該縣  
城在百里以外者限三日二百里以外者限五日再遠者以此類  
推務將查勘搶劫情形賊數約計若干估計約合銀若干事主何

人受傷何處部位及傷痕輕重暨賊匪人數約計多寡或七八人或十餘人逐細敘明據實稟報並於稟內將道里遠近及並未逾限緣由詳晰聲明不得仍前含混一面速行比役緝賊獲案之後悉心研訊搶劫實在情形暨所餘盜姓名住址以及有無原贓事主曾否認領立即開具詳細供摺稟候查核案情輕重或委員下縣或就近飭委府州提審覆訊明確委員則與該縣會同具稟府州則逕行稟報本部堂即行查照定章酌量批示辦理庶幾事歸迅速有匪必獲卽懲辦盜風或可稍戢而各屬亦可免解犯賄墊之苦倘經此次通飭之後該縣如遇有搶劫案件並不遵照定

刑部會同刑部

身二

一

限據實具稟認真拒捕則是有意諱盜一經查出定卽嚴行叅辦  
斷不寬貸稟之慎之仍將遵辦緣由及奉文日期具文報查云

云

光緒三年五月十一日奉札

州縣會銜緝票蓋印編號章程

署按察使司張 爲通飭事光緒二十五年十月十五日奉

總督部堂奎 札開光緒二十五年十月初八日准

湖南撫部院俞 咨據湖南按察司滿多布申稱案奉憲臺批據甯遠縣金令正聲稟擬刊會銜緝票移送鄰封蓋印編號請示一節奉批查州縣預用空白會銜印票互相移送存檔遇有出省出境追緝之案簽派兵役挨號填給馳往密拏果能切實奉行於捕務大有裨益湘省前於光緒十年准

署督部堂卞 咨行遵照並屢經王桂各前臬司詳明飭辦茲閱

州縣會銜緝票蓋印編號章程

來稟於各原案似乎均未寓目恐各屬未經印送不止該縣一處  
仰按察司查明各原案再行通飭一體遵照辦理無違切切此繳  
票式存等因奉此本署司查光緒十年閏五月二十日奉

前署撫憲龐 准

前署督憲卞 咨據湖北按察司詳各州縣交界地方失事文武

官緝捕每每彼拏此竄弋獲無期嗣後無論隔府隔縣隔省凡係  
接壤之處務當預用空白會銜印票編列號次互相移送存檔一  
遇出省出境追緝之案簽派委幹兵役挨號填給印票註明地方  
程限馳往密拏一面仍照定例關會協緝獲犯稟交該地方官將票

存繳查銷另備文批加撥兵役解歸犯事地方懲辦尋常案件不得擅用此票每次會印止准十張爲率各州縣如有接卸苗案移交俟用竣再行會印並應將何號目何案填用匪犯已未就獲情由摺報上司查考等因轉懇咨明各鄰省一體辦理行司通飭遵照二十年據芷江縣以空白印票歷年既久各州縣交代頗仍窳就廢弛稟奉

前憲吳 批司詳咨

貴州撫部院 轉飭湘黔交界州縣一體遵照嗣於二十二年又經桂前司詳明飭辦並聲明拏獲鄰境要犯官員例應獎敘地方

團保與本縣勇役一律犒賞以示鼓勵各在案是拏犯不分畛域業經三令五申各屬如果切實奉行案犯雖經遠颺弋獲不患無期如各該州縣視爲具文漫不經意奉文到件一閱卽束之高閣在任旣未遵行接印無從移交以致歷年未久於通飭原案委置房檔未經寓目甯遠一縣如此其各處玩泄情形概可想見現在會匪盜賊時虞蠢動腹地宜防邊疆尤甚除援案再行通飭各州縣遵辦外理合呈請咨明

湖北 廣醜  
江西 貴州 撫部院

四川督部堂

轉飭邊境各府州縣查照辦理以速捕務實爲公

便等情到本部院據此除分咨外相應咨明請煩查照轉飭邊境各府州縣一體遵照辦理施行等因准此查來咨所定州縣會銜緝票蓋印編號章程極爲妥協川省亦可做照辦理合就札行爲此仰司官吏卽將湘省章程參酌辦法通飭各府州轉飭所屬一體遵照辦理毋違此札等因咨院行司奉此合就札行札到該府卽便轉飭所屬一體遵照辦理毋違此札

四庫全書

卷之二

フ

州縣相驗承審不實分別記過撤參章程

按察使司如 爲詳請立案專案奉

憲臺札開照得人命案件不外驗屍鞠獄兩端驗屍必以實鞠獄必以情所以重人命也川省州縣每視相驗爲具文僅憑仵作之喝報因而交通賄串有傷而隱匿不報者有之無傷而指發變爲傷者有之迨集訊定供又復玩忽將事旣未明起衅根由安能定罪名輕重甚至傷及要害本出有心故改爲近左近右以圖輕減因而以謀故爲鬪毆以鬪毆爲戲謔種種舛謬殊失情法之平其有情輕法重者則又不求實據僅憑臆斷自蹈失入之愆尤昧慎

四川通飭章程卷二

州縣相驗承審不實分別記過撤參章程

刑之旨况秋審擬實擬緩必以起衅之曲直傷痕之輕重爲準畸輕者地下含冤畸重者草菅人命皆足以干天和而罹

國譴也本督部堂蒞川八載無日不以刑名失實爲愼諳諳告誡不啻三令五申而各牧令於驗屍鞫獄之事漫不經心或通稟與初報不符或初報與招詳互異前後矛盾草率含糊求其認真辦理實不可多得近年自浙江楊乃武之案出若江蘇若河南若湖北或由刑部提審或奉

欽使查辦幾於無歲無之乃不肖州縣仍然不知儆惕掉以輕心狂於積習言念及此實爲寒心除行各廳州縣遵照辦理外合亟

札飭爲此札仰該司即便分別移道檄府轉飭各廳州縣遵照嗣後命案於相驗屍傷後務須查照洗冤錄親自按傷逐細查驗不得假手件作任聽增減取供定案時尤宜確查起衅根由及下手實在情形不得移情就例意爲重輕自此次通飭之後如有仍前玩泄一經查實或被告發由上司審辦更正者立將原驗原審之員從重叅辦法不寬貸勿謂言之不預也凜之愼之切切毋違等因奉此查定罪以供情爲準而供情尤以屍傷爲憑相驗不得其實鞫獄卽滋疑竇本司察閱各州縣詳報命案屍傷每多舛錯一經駁查僉以屍場糟襍刑書誤填爲詞不思相驗屍傷該收令例

刑部會同刑部

二二

應親加察驗豈得假手胥吏積習相沿居然形諸公牘追取供定  
讞又復草率從事明知情罪未當希冀解省委審即可置身事外  
甚有例非提省審辦之案或因犯狡展竟請發局委審玩泄因  
循至於此極迭經本司逐案嚴加批飭各牧令仍復狃於積習不  
思振作若不明定章程無以知所警戒擬請嗣後遇有屍傷不符  
或罪名失出者經上司駁飭察明委審得實更正每案將原驗原  
審之員記大過一次積至三案者詳請撤任其有罪名失入及不  
親蒞屍場草率成招擅請發審或假手刑件任聽增減屍傷取供  
定案意爲輕重一經察實或被告發卽由本司會同藩司詳請撤

案以爲玩忽者戒除遵札移道檄府轉飭各州縣遵照外所有議擬州縣相驗承審不實分別記過撤參章程緣由是否有當理合具文詳請

憲臺俯賜察核批示立案實爲公便爲此具由呈乞

照詳施行

總督部堂丁 批各屬於人命案件嗣後如有相驗承審不實卽恪照此次議擬章程分別記過撤參以期整飭不得違玩弁如詳立案仍通飭各屬一體遵照繳

光緒十年八月初十日奉批



火器殺人之案飭令研審實情

署按察使司崧 爲據稟札飭事案據署成都府知府黃毓恩稟稱案奉前憲臺發審綏定府審解東鄉縣民熊成潰因被追失跌撞動火機轟傷傅仕熏身死一案又東鄉縣民王紹堂因何仕錫與王仲清爭角被毆攏勸斥護拾石向擲震動肩負烏鎗活機轟傷身死一案又重慶府審解長壽縣民張雙和轟傷搶割田穀罪人黎步霄身死並帶傷黎步遠等平復一案熊成潰王紹堂均請照鬪殺擬絞因與例不符駁審張雙和請照擅殺罪人擬絞因情節不符駁審除由 卑府 督同委員逐案審明分別辦理外查道光

二十四年奉

上諭嗣後火器傷人之案不得輒以震動火機爲詞稍涉遷就欽此通行在案又二十七年因安徽省題張洪茂鎗傷張得億身死湖北省題胡沅銃傷胡庭輝身死兩案同時題達奉

旨外省問刑衙門積習相沿移情就案此二案著該撫親提覆訊悉心嚴究務得確情按例定擬具奏并飭各直省督撫將軍都統府尹知之欽此亦在案原因火器爲應禁軍器兇徒以火器殺人最爲兇惡是以

功令甚嚴不准設法遷就曲爲開脫若長壽縣之案擅殺不問謀

故與火器傷人情罪不同至東鄉縣二案明係故殺該縣移情就  
案擬以鬪殺實爲曲筆詳辦茲奉札發審卑府與在局委員欲照  
原辦成招實與例案不符倘照例改擬罪名則本犯早知避就卽  
加刑嚇亦不肯改供實情以致承審之員種種爲難心力俱勞仍  
與案情無益總之火器殺人之案總以遵辦故殺爲是如實係無  
心施放委無鬪情與故殺迥不相同自有向城市及有人居住宅  
舍施放鳥鎗竹銃之專條可辦何得率意妄引致與定例相違誠  
恐別廳州縣遇事同情反多煩牘合無仰懇

憲恩通飭各府廳州縣嗣後凡遇火器殺人之案必須直敘實情

卽使擅殺屬實亦應研求情節通順期符例案而昭核實斷不可  
遷就開脫致滋枉縱是否有當理合稟請

憲臺俯賜鑒核批示飭遵等情據此當經本兼署司批查火器傷  
人案件除擅殺外均應以故殺論近來各廳州縣每每惑於救生  
不救死之說曲爲開脫移情就案實屬不成事體該府請援道光  
二十二年欽奉

諭旨通飭各屬遵辦係爲慎重刑章起見事屬可行仰候據稟通  
飭各屬一體欽遵辦理此繳

他物傷填註骨損不損字樣

按察使司

爲詳請示遵事案奉

憲臺札開查該司來詳聲稱已死劉躡子被毆左腮肋左耳根左  
肱肘各傷均漏填寫有若干又鐵器毆傷多填抵骨字樣係爲錯  
誤碍難照辦合亟飭查爲此札仰該司卽將發下招冊各件查收  
轉飭該縣迅速查明具覆由司覆核另造妥冊扣明審限申贖來  
院以憑核審具

題限滿逼迫毋稍延緩切切特札等因奉此當經轉行去後茲據  
成都府轉據華陽縣稟稱遵卽卷查前代理縣錢合菁相驗劉躡



督憲駁飭不填抵骨惟有請照洗冤錄載鐵器傷皮開肉綻字樣  
改填等語卑職復查洗冤錄因未將鐵器傷應填抵骨不應填抵  
骨詳細言明惟律例多有以傷痕之輕重定罪名之差等若傷至  
抵骨者不填抵骨遇論傷定罪之案不將與未抵骨者無所別其  
重輕是以厯驗各屍凡遇他物毆傷抵骨者均係逐一填明俱經  
奉准

部覆有案但現既奉

督憲指駁鐵器傷不填抵骨自應照洗冤錄鐵器傷皮開肉綻字  
樣改填清楚至以後他物抵骨傷究應如何填法以別輕重卑職

未敢妄議致滋貽誤可否仰懇憲恩卽爲轉請示遵之處出自鈞  
裁除另造妥冊申費外所有遵飭將劉騂子等屍傷分別補填更  
正緣由附稟核轉示遵等情到府卑府覆查該縣所稟鐵器各傷  
最重且有厚薄平楞之不同如薄楞鐵器毆人最易抵骨自屬據  
理而論由此類推則凡他物之有楞角者毆及皮骨相連之處亦  
復易於抵骨至該縣所議遇有論傷定罪之案如不填註抵骨不  
將與未抵骨者無所別其重輕亦爲確切之論惟現詳所填皮開  
肉綻之語沈寃錄頂註雖載及然列於鐵尺金鋼錘扳子流星等  
類之上細釋開綻字義似指沈重兇器毆及肉厚部位而言檢查

歷辦成牘填註他物所毆之傷罕用此等字樣既經該縣引以爲據故照正招核轉是否妥協可用應請酌核辦理再以後相驗他物所毆抵骨之傷究應如何填註洗冤錄旣未詳細載明該縣未便擅行擬議府中案牘無多亦難引證酌當並乞衡示通飭俾有遵依用昭劃一除另造招冊申賚外是否有當理合稟請察核示遵等情由府核轉到司本司查他物毆人成傷兇器名目不一雖有厚薄平楞之不同而所毆部位亦有厚薄寬窄之分但凡他物毆着肉厚之處雖軟活難以着力傷非極重不能破皮如毆着肉薄有骨之處兇器與骨相抵以堅攻堅肉在居中無不皮破以故

歷辦成案凡驗他物傷如未皮破則填搦內或骨碎損或破裂或骨斷或骨未損若已皮破損骨自應分別損碎裂斷逐一填註以憑論傷定罪如未損骨只填皮微破或皮破抵骨不言骨未損者省文也今該縣以皮破他物傷不填抵骨請照洗冤錄載鐵器傷皮開肉綻字樣改填不特遇有論傷定罪之案如不填註抵骨不將與未抵骨者無所別其重輕抑且他物所包甚廣皮開肉綻係專指鐵器傷而言設遇非鐵器皮破傷又將如何填註亦欠周密本司輾轉籌思以後相驗他物傷如果皮破傷骨自應分別碎裂損斷逐一明晰填註如僅皮破無骨處只填皮破或微破有骨之

處直填皮破骨未損以示區別而歸畫一是否有當除方漢汰一  
案另具正招實候核勘外理合具文詳請察核批示下司以便通  
飭各屬一體遵辦庶免延案飭查徒煩案牘致稽時日實爲公便  
云

總督部堂鹿

批查相驗屍傷如手足他物毆打傷痕向均填報

寬長分寸而不填深若干深抵骨字據惟金刃磁鋒各傷應填深  
抵骨深若干分寸此外石鐵竹木凡有尖鋒針刺等物亦應填報  
深入分寸洗竅錄內大率如此乃川省積習相沿驗報鐵器木器  
各傷間有添用楞字亦填深抵骨字據試思鐵木有楞之物斷不

如金刃磁鋒之犀利雖皮骨相連之處如非重毆傷何能抵骨至於無楞之物毆傷不能抵骨更無論矣此案原驗劉躄子屍身鐵器各物均填抵骨字樣而骨之損不損則並不聲明本部堂以驗報不特與洗冤錄不符亦與川省鐵器楞傷始填抵骨不相符合顯有錯誤是以札查茲閱來詳裝敘該府縣原稟謂若傷至抵骨不填抵骨遇論傷定罪之案不將與未抵骨者無所別其重輕殊不思鐵器毆傷本無一毆抵骨何能率填抵骨之文且他物傷人律內祇以破骨不破骨分輕重並不明以抵骨未抵骨定罪名若必他物傷應填抵骨不幾與刃傷填報相混且恐刃傷均可混爲

他物適以啟件作高下其手之漸弊尤不可不防至皮開肉綻洗  
竄錄高註雖有此等字據考之成案向均無此辦法該縣請照此  
改填該府請引以爲據尤屬不合惟該司所議他物毆傷如皮未  
破則填搨按骨損骨不損字樣皮已破則填皮破骨損骨不損字  
據最爲持平扼要之論仰卽錄批通飭各屬一律遵照辦理以昭  
核實而免參差仍行該府轉飭遵照繳

戶部

三

辜限內醫治平復因病身死

按察使司萬 爲詳請示遵事案准川東道審移雲陽縣民黃市  
沈毆截劃傷邱奇瀾辜限內醫治平復因病身死屍兄邱奇鳳私  
埋匿報一案到司本司查律載保辜責令犯人醫治折傷以上辜  
內醫治平復者減二等又嘉慶五年通行內開嗣後遇有折傷以  
上及刃傷人之案如有辜限內醫治平復者均照律減二等問擬  
各等語此案黃市沈於光緒二十五年八月初三日因邱奇瀾向  
周萬孝索欠口角該犯攏勸被斥爭鬧將其毆截劃傷至十二日  
醫治平復係在保辜正限三十日內邱奇瀾復因患病身死驗訊

戶部會同工部

卷二

三

實與本傷無涉該犯黃市洗卽應由刃傷人律上減二等擬杖六十徒一年原詳並未照律減等核與定例不符移請另辦去後茲准川東道夏崑移稱查向辦此等案件有從本毆傷法擬以刃傷徒二年者有照後毆律文減二等擬以徒一年者辦理多未劃一悉心講求自非細繹律義無以折衷一是查律載在辜限外及雖在辜限內傷已平復別因他故死者各從本毆傷法此段係指定限內限外兩端而立傷愈後因他故死者之專條又律載折傷以上辜限內醫治平復各減二等此段載於別因他故死者之後界限分明自係專指傷愈而未因他故死者而言又例載其因患他

病身死與本傷無涉者雖在辜限之內仍依律從本毆傷法此例  
申明律義足相發明又律之上方輯註載後段折傷以上限內醫  
治平復得減傷罪二等此別因他故死者亦是限內醫治平復不  
得減等蓋死因他故而適在此時其傷雖平其人已死不得尙援  
醫治之功而議減也此註解釋律文本意備極簡明確當又卷查  
光緒二十三年達縣客民楊一山等刃傷衛棟辜限醫治平復後  
因病身死仍從本毆傷法擬杖八十徒二年於二十四年二月初  
三日奉准

部覆行知他如光緒十一年南川縣鄧洋沉刃傷劉蒼巾光緒二

刑部彙編卷之二

三三

十三年永川縣民廖符詳刃傷鄒棕田各於辜限內平復後因病身死等案皆係照此間擬由司詳咨定案今雲陽縣民黃市沈毆截訓傷邱奇瀾一案該縣府本係將犯按律減二等擬罪解道做道詳查律例輯註成案爲之更正改擬咨司茲准前由自應由做道聲敘所據例案卽請查照辦理詳請

督憲核示等由本司覆查道光十六年漢州民張成受割傷黃志遠越十六日醫治平復黃志遠嗣因患病身死又是年名山縣民郭文全毆截傷王其春越九日醫治平復王其春嗣因患病身死以上二案均於刃傷正限內醫治平復各照本毆傷法科該犯以

杖八十徒二年之罪殊與傷不平復而因病死者漫無區別俱照律減二等擬以杖六十徒一年奉准

部覆又光緒九年蒲江縣民周紹莊因斥陳家禎不應妄言伊母不正係屬理直陳家禎先用尖刀向戳該犯奪刀戳傷其左肋係後下手陳家禎於辜限之內醫治平復嗣因患病身死實與本傷無涉將周紹莊於刃傷律上遞減四等擬杖九十亦奉部覆在卷是此等案件有准減不准減向辦未經劃一悉均奉部覆准有案惟查該道所引達縣楊一山南川鄧洋沉永川廖符詳三案因係照律辦理但未引用通行恐係部中隨時核覆似難援以爲據總

之傷既平復不得謂無醫治之功嗣因病故與傷無涉何得謂其人已死卽應從重不准減等如漢州張成受名山縣郭文全案內所謂傷不平復而因病死者無所區別况查蒲江縣周紹莊之案曾將通行引入奉部核准足見此項通行原包傷愈後別因他故死者一層在內並非僅指傷愈而未因他故死者而言也該道未經查明通行不能無議然

憲聰在上自有權衡此案黃市洸毆截割傷邱奇瀾辜限內醫治平復嗣因病斃與傷無涉黃市洸應否移道援引定律通行並仿照漢州張成受名山縣郭文全蒲江縣周紹莊之案另行減等擬

辦或卽由司更正詳咨抑或因部覆之案先後兩歧有關罪名出入咨請

部示之處統祈

鈞裁是否有當理合具文詳請

憲臺俯賜察核批示祇遵爲此具由呈乞

照詳施行 光緒二十六年五月二十四日奉

總督部堂奎 批查嘉慶五年通行係指限內傷愈照律減等原

未聲明因他故死者在内而例內患病身死與傷無涉雖在限內仍從本廠傷法之條係於嘉慶六年十五年兩次續修在五年通

行之後綜核所引各案雖歷年辦理未能劃一而準之例意似以  
不予減等爲是仰卽查照該道所擬援引

恩詔詳候核咨可也繳

藉屍訛詐治罪屍親分別服制親疏

按察使司游

爲通飭事光緒十三年月日

云

嗣後地方遇有

路斃或因病身故之案務由地主主人等先投團保約鄰親身看明如無別故協同報官立案掩埋其有自縊自殘及溺水服毒等事亦投約保先行看明如查有口角爭鬧或逼迫情事卽令至親屍屬切實呈報聽候驗明分別照驗詳辦至婦女在夫家身故母族人等不得藉端捏詞呈控倘不先報團保看明輒以身死不明等詞報案意圖訛索一經審屬虛誣卽將圖控妄報之屍親照例從嚴懲辦不准臨時具悔亦不准違例斷給燒埋錢文並將三費支

三 藉屍訛詐治罪屍親分別服制親疏

發厥費勒令照數賠還至具報命案無論眞僞應以服制之遠近  
爲斷先儘三年之服次朞親次大功次小功總麻如五服內無人  
方許無服之親出名大功以下卽爲疎遠不准混充屍親亦不准  
聯名圖報如此分別嚴禁庶奸徒不敢捏詞妄報而良善得免訛  
詐之累自此次通飭示禁之後各該丞倅牧令務須遵照章程遇  
有前項情事卽遵照通飭認真懲辦以挽頽風而示懲儆毋違此

札

查禁私鑄毛錢

署成綿龍茂道張 爲札飭嚴禁查拏事案准

藩 臬司 移開光緒二十年四月初三日奉

總督部堂劉 札開案據署萬縣知縣鳳全稟稱敬稟者竊私鑄毛錢本干例禁而銷毀制錢尤爲法所不容蓋圍政之設原以通天下之有無準萬物之權衡定制每錢一文足重一錢合鼓鑄銅本工費而計之約費數錢方能成一錢之用

朝廷不費帑本造此重裕所以重民生而資利用者計深遠也乃不法之徒利其厚重轉啟奸貪鎔錢以製器物其利倍蓰改鑄毛

錢則獲利更厚大約每制錢一千可鑄毛錢九千文毛錢之最小者形薄如紙方圓不能具體名爲鷄眼沙壳初見幾不知爲錢然以之攬和行使仍冀一文抵一文之用奸商猶買因而輾轉販買習用既慣人不知非爐竈頻增焰火不息以致毛錢日廣制錢日銷市廛日壞而人心日偷如邇來川東一帶情形正不知伊於胡底也川東自巴渝以下夔巫以上沿江千餘里無處不有毛錢卽無處不有私鑄其私鑄最多之處莫如開墊梁萬私鑄最久之人莫如蕭良泗謝大江崑職去年到任之始因見民間行使之錢每百必攬毛錢四五十文敗常亂度已堪切齒問諸鄉曲窮黎販負

備夫無不疾首痛心言之泣下卑職是以銳意禁革先行剴切示諭不究既往但責將來一面密飭團保嚴拏私鑄以爲清源塞流之計一時議者或謂滔滔皆是一薛居州安能獨挽狂瀾特恐富紳巨室善藏若虛買賣寥落轉於稅契有碍其言不爲無見卑職素性迂愚不敢以私廢公竭誠盡力持之益堅所幸民厭已久禁令已申翻然改觀刻下雖不能盡絕根株而市塵已無公然行使毛錢之事可見爲政不在矜奇但能好惡同民自見風行草偃茲據緝役協同大周里團保拏獲私鑄人犯萬喜貴萬家瑞萬白嘴並起獲私鑄私板槽針各項器具送案卑職提訊萬喜貴供上年

因見伊伯萬世瀛與蕭良泗等銷制鑄私頗獲重利伊伯已故伊  
因家道貧苦起意鑄造毛錢並邀萬家瑞萬白嘴幫工打雜不料  
差圍查知拏獲解案悔已無及等語質之萬家瑞萬白嘴供亦相  
符查萬家瑞私鑄毛錢起有器具現據供認不諱按例罪無可逭  
惟當此積習相沿之際久慣私鑄如蕭良泗等尙得逍遙法外而  
於偶爾犯禁之愚氓猝然置之於法揆之哀矜勿喜之意未免慳  
然卑職將萬喜貴暫行監禁俟緝獲蕭良泗等研訊得情擇尤嚴  
辦以期辟以止辟至萬家瑞業已在保病故萬白嘴訊止幫工打  
雜情罪更輕酌予責懲取保後有應訊再行傳質蕭良泗謝大江

自知有罪聞卑職指名飭拏早已竄匿他境疊經懸賞購線勒緝無分疆界嚴密躡緝但蕭良泗等行跡詭秘黨羽甚眾暗中供護之人亦復不少迄今未能弋獲仰懇通飭各屬一體嚴拏務獲移解歸案審辦其川東一帶向來行使毛錢之處似應飭令一律認真禁革不准虛應故事使若輩知銷路堵塞或者畏法心生貪利念絕我

國家通行之寶不致銷燬於無形矣愚昧之見是否有當理合稟請察核批示飭遵等情到院當經本部堂批查銷燬制錢私鑄毛錢致壞圖政菟法已極據稟拏獲私鑄人犯萬喜貴並起獲私鑄

卷之三

三

三二

器具訊據供認不諱實屬罪無可逭惟據稱久慣之蕭良泗等現  
尙在逃未獲姑准如稟將該犯萬喜貴嚴行監禁一面上緊勒限  
比差嚴拏該逃犯蕭良泗等務獲再行提同研訊確供嚴辦以肅  
法紀而昭炯戒至所稱川東一帶無處不行使毛錢無處不有私  
鑄仰候檄行布按兩司通飭各屬一律認真禁革查拏私鑄之人  
訊明嚴辦以挽頽風毋稍疎縱可也此繳除批示印回外等因行  
司移道檄府奉此云

云

查禁私鑄私販章程

按察使司文 爲通飭事光緒二十二年正月二十九日奉

總督部堂鹿 批本司呈詳署夔州府知府恩壽具稟遵檄查禁

私鑄私販並酌擬變通懲辦一案飭令悉心核議詳奪等因奉此  
遵查川省私鑄與私販小錢之徒同一有害國法自奉

憲臺通飭查禁以後雖收買貨賣與攙和行使者已覺斂跡而私  
鑄與私販仍恐不能盡絕亟應設法禁遏懲治第此等匪犯較多  
若逐起照例解勘擬辦地方官無從籌出解費勢必畏難匿報卽  
有稟報者亦必以器具未獲復請暫禁已犯未受懲創未犯則愈

無忌憚查上年蓬州稟奉

憲臺批司核准通飭查拏私錢案內飭查各項器具照例嚴辦係專指糾夥開鑪廣鑄罪應斬絞者而言若查明器具業已燬藏或獲有器具而罪止遺流徒杖者原准酌量稟請監禁本司察度該府所稟仍與前次通飭大致相同擬請嗣後拏獲私鑄之案訊係糾夥開爐廣鑄及私鑄不止一次罪應斬絞者仍按例擬辦外如私鑄不廣或係初犯無論爲首爲從及知情買使准予稟請酌歸外結如罪應流遣者各予監禁八年應徒者監禁五年應杖者監禁二年若私販小錢至百千以上者應比照收買小錢行使在十

千以上之例分別徒遣一體照擬監禁年限以示儆惕倘私販在百千以下者悉由地方官衡情酌斷不必預定罪名致啟書役藉端詐索騷擾之弊所獲私錢應令捶毀鎔化隨時解交省城寶川局查收分別解數多寡隨時獎給記功以勵其餘緣奉飭議是否允協理合具文詳請察核示遵奉批據詳已悉所議懲辦私鑄各條尙屬妥協仰卽通飭各屬一體遵照云

戶部

卷二

三

拏獲造賣賭具人犯按擬解勘

按察使司

爲札飭事照得收合身膺民社凡厥措施自當實

事求是川省吏治雖間有能知振作之員而粉飾因循率多狃於積習相驗不實招解不時簽差不慎承緝命盜則坐待開叅查取供詞則久延逾限以及保甲廢弛驛路遲延自揣一涉疏虞未免有干吏議乃以拏獲造賣賭具人犯例得開送職名咨

部獎敘於是爭相詳報初詳獲犯訊供旋卽在保病故希冀遇有處分藉以抵銷本司披閱公文此等通詳紛至沓來幾於應接不暇甚至有一年之內一任之中報獲至五六起者試問該牧令等

果能留心庶政訪緝勤能爲事乎本司不逆不億非以察察爲明  
第案關詳請分咨文牘纍纍干編一律以他省罕見之事川省獨  
翕然爲之實屬不成政體合行專札通飭札到該廳卽便轉飭所  
屬該牧令等務各矢慎矢勤實心講求吏治藉爲報最之資毋以  
趨避彌縫恃爲得計嗣後如有孳獲造賣賭具人犯者飭將造而  
未成賭具隨案繳驗仍一面覆訊供詞照例按擬解勘以憑轉詳  
而昭核實其各凜遵毋違特札

禁革官吏借貸部民銀兩

光緒二十六年二月奉

臬憲札開奉

總督部堂批兩司呈詳禁革官吏借貸部民銀兩請批飭各屬一體遵辦一案竊查律載官吏借貸所部內財物者計贓准不枉法論強者准枉法論等語律禁森嚴有犯卽應治罪本司等訪聞川省州縣常有借貸部民銀兩之事有於未到任以前暗地託人先向本屬紳糧告貸以作川資者有於既到任以後公然告貸以彌補積年私虧者其心縱然無他究係顯違禁令其不肯者借銀到



禁革州縣審斷案件藉案科罰

光緒二十六年二月奉

臬憲 札開光緒二十六年二月初十日奉

督部堂奎 批兩司會詳各屬審斷案件應照例發落不准藉

案科罰請批飭各屬一體遵辦一案查吏部處分則例內載州縣

官審辦大小案件勒索財物者革職提問又內外衙門審理一切

事件均應按律發落不許罰取銀錢米穀等項違者計贓論罪若

尋常詞訟所犯之罪本輕地方官酌量示罰以充橋道等工之用

亦須詳報上司奏明辦理不許擅自批結如並未詳明違例科罰

完案數在百兩以內者降一級調用百兩以外者降三級調用又  
刑律內載有司官吏非奉上司明文因公擅自科歛所屬財物雖  
不入已杖六十贓重者坐贓論入已者以枉法從重論各等語定  
例如此森嚴豈容稍有違犯近聞各州縣往往因案科歛理曲者  
罰理直者捐歸公已違明禁染指更玷官箴先無稟詳後無報銷  
紳民怨謗書差效尤牧令爲民父母如此行爲安能靦然立於民  
上亟應申明定例通飭查禁嗣後各屬審理案件均應照例發落  
不准指稱修理工等項名目藉端科罰卽遇尋常詞訟所犯罪  
過本輕該犯願撥金作贖刑之例量力罰充地方善舉亦須詳敘

案情確指數目通稟請示不准先行收款擅自批結倘敢違一  
經查出或被告發定行嚴叅若係用強勒索照律治罪該管府廳  
州有督察之責應令嚴密稽查有犯卽行揭報如果徇情隱飾一  
併叅處奉 批據詳爲整飭官方體恤民隱應准照行仰卽通飭  
各屬一體遵照繳等因奉此除移知遵辦外合卽札行云  
云

刑部  
卷二

三

疎脫外結及待質收禁外監人犯看役應擬罪名

光緒二十七年二月奉

臬憲 札開光緒二十七年正月二十六日奉

總督部堂奎 批本司呈詳議覆安岳縣具稟外結及待質人犯收禁外監飭役看管開摺懇請示遵一案飭司妥議詳覆核奪等因奉此本司查向來各州縣疎脫桿犯所有看役人等係照軍流罪犯在配脫逃勒限一百日嚴緝限內獲犯比照看守保甲革役免罪如逾限不獲一名杖八十每一名加一等罪止杖一百受財故縱者計贓以枉法論自應將外結及待質收禁外監人犯遇有

疎脫外結及待質收禁外監人犯看役應擬罪名

疏忽脫逃看役人等應擬罪名悉照從前疎脫桿犯成法辦理以昭畫一此等人犯多係由桿犯改擬收禁外監現奉

憲臺明諭飭令看役等嚴加管束似與例歸管獄官督飭禁卒經管之報部外監人犯究有區別嗣後疎脫外結及待質收禁外監人犯百日限內弋獲有管獄各予免議如逾限不獲每一名州縣有獄官記大過一次管獄官記過一次按名照加議處期專責成設有故縱情事亦卽隨案酌量從重議以應得之咎呈請通飭各屬遵辦奉 批如詳辦理卽通飭遵照繳等因奉此除分移通飭遵辦外合就札行云

云

婦女老幼廢疾有犯命案罪至徒流例得收贖准一詳完結  
光緒二十七年二月奉

臬憲 札開光緒二十七年正月二十八日奉

總督部堂奎 批本司呈詳瀘州孀婦老劉張氏毆傷子婦小劉  
張氏越日身死一案奉批仰按察司核議詳覆飭遵繳並據該州  
另稟請將婦女老幼廢疾有犯命案罪至徒流例得收贖之案均  
作一詳完結奉批飭照正詳併核覆奪各等因奉此本司查該州  
所詳小劉張氏令其姦飯推緩向斥頂撞將其毆傷越日身死小  
劉張氏係老劉張氏子媳應如該州所擬老劉張氏合依父母非

婦女老幼廢疾有犯命案

理毆子孫之婦至死者杖一百徒三年律擬杖一百徒三年照例  
收贖劉仁奇救阻不及應毋庸議至婦女老幼廢疾有犯命案罪  
應徒流者雖例得收贖但人命至重無論婦女老幼廢疾之人一  
經犯案仍應層次解勘咨達候覆始准贖罪省釋所以示慎重而  
昭核實也今該州因係虛擬罪名請照一詳完結以示矜恤本司  
則以案關人命之犯似不在行矜恤之列若僅一詳完結民間將  
謂毆斃一命竟與涉訟相等到官訊供之後家道貧難者並准免  
追贖反將啓玩口視刑章草菅人命之漸該州所擬辦法似難照  
准惟現在時事變遷

鑾輿西幸刑曹執法之官尙未賅備伏讀光緒二十六年十二月初十日

諭旨上載中國文法太密下載刑章國政當因當革詳悉條議之文則該州所見似亦刑章改法之一端案牘刪煩之一得亦不能盡言其非本司再四籌度擬請嗣後遇有婦女老幼廢疾之人犯有命案如無凌虐情形邂逅致死罪名虛擬始如該州所請通飭各屬一詳完結收贖銀兩亦准照所稟辦理奉 批如詳飭遵繳等因奉合行移知爲此合移云

戶部

卷二

三

通飭詞訟月報章程

按察使司游 爲議詳事光緒十三年正月十五日奉

憲臺批據蒼溪縣知縣張兆奭具稟查明九月分詞訟月報因俟  
循環簿批回是以繕申稍遲一案奉批以後詞訟須一月一冊趕  
限造報不得待前申之循環簿批回始行填造致啟擱延巧卸之  
弊其冊交驛務於文筒批明此係詞訟月報定限幾日到省倘沿  
途稽壓卽可按站查究仰按察司一面妥議定章通飭各屬遵辦  
以除玩延錮弊切切此繳等因奉此查各屬審理詞訟前經議定  
章程設立循環簿按月造報近省州縣限下月初旬賚到遠者限

月半前賚到極遠者亦不過二十日循去環來環去循來無虞延  
擱無如各廳州縣玩忽因循並不遵限造賚迨奉批飭卽以循環  
簿未經發回爲詞朦混卸責實屬不成事體擬自本年二月爲始  
各屬詞訟月報須一月一册按月造報不必以循環兩簿輪流造  
申其册交移遞送照命盜月報定章上月之册定下月初五日以  
前造齊發遞卽距省極遠州縣統限三十日以前一律到省仍於  
文筒註明此係詞訟月報定限幾日到省字樣沿途驛站務須按  
限馳遞不准違逾倘各廳州縣造報稽延或漏不填註以及沿途  
驛站壓擱查出分別詳請記過以此明定章程庶各廳州縣不能

藉詞巧卸朦混宕延而沿途驛遞亦可按站而稽不致日久稽延矣是否有當除通飭各屬遵辦外理合具文詳請

憲臺俯賜察核批示祇遵

光緒十三年正月二十五日奉

總督部堂劉 批如詳通飭各屬一體遵辦違則照章記過以儆  
玩延繳

子刻自正系

卷二

三

整頓詞訟章程

按察使司萬 爲通飭事光緒二十六年五月初九日奉

總督部堂奎 札本司會同藩司詳稱竊維圖治以聽訟爲先而  
聽訟以清理爲亟川省幅幘遼闊民情刁健獄訟之繁甲於東南  
各省上年迭奉

諭旨整頓清訟事宜當經前陞司等會議章程詳蒙

憲臺將州縣各缺分別繁中簡二等核計結案成數以定功過覆  
奏通飭遵照並由前署司將詞訟月報改擬簡明冊式發屬一體  
照辦在案法良意美自應實力奉行無如州縣積壓成習訟風迄

未少減卽如本司到任之初接收各屬投遞紅狀均不下數百餘  
紙披閱所控各詞又係久年未結之案居多雖案情輕重不一然  
地方官果能勤速集審聽斷持平強者抑之弱者扶之小民得以  
氣伸怨釋又安肯遠道上訴自取訟累乃州縣一案到手漠不關  
心棍徒乘間刁唆勢必釀成上控以故一案未了而傾家蕩產者  
有之在押拖斃者亦有之此在奸民尙不足惜倘良民無辜受累  
其何以堪言念及此實堪痛恨然此尙止就上控而言至本衙門  
之自理詞訟其流弊更有難問者若不力加整頓設法清釐不足  
以對民生而稱職守但立法過峻亦屬不宜目今之計欲求簡便

易行而又不致同爲虛文者惟有先從上控清理起上控既稀積案自少而新准之自理詞訟不清而自清洵屬事半功倍有益於民本臬司總理刑名責無旁貸第案牘紛紜恆苦勢有不給再四酌商擬請在於臬司衙門添設清訟局遴委勤慎州縣一員入局幫同經理遇有

院司上控批審批提批錄覆之案分別給予定限無故不結不覆者由局查明嚴催一次先行記過每月考核一次如有記過之案月底彙冊上詳以示懲儆茲將擬就章程六條錄呈

憲鑒如蒙

允准卽以奉批之日爲始開局照辦總期事歸實際不尙虛文以  
仰副

憲臺愛民息訟之至意是否有當理合具文會詳俯賜核示祇遵  
等情奉批查閱章程六條甚爲妥洽應如所詳辦理仰卽遵照繳  
清摺存等因奉此除分移並委員辦理及通飭外合就札行札到  
該府卽便遵照並飭所屬嗣後務須一體遵章辦理勿得玩視致  
干嚴譴仍將奉文日期報查切速特札

計抄章程一紙

## 計開清訟局章程

一發審局雖爲首府專司而實院司分局凡承審京控部駁及提  
省發委審辦一切案件本有例限可循此番整頓之後該局委等  
務當首先認真俱以奉到札委或人卷解到之日起限定限一月  
內審結詳覆以爲各屬表率如有無故不結由局查明按十日嚴  
催一次三次不至每案將承審委員記大過一次每三案將坐辦  
委員記大過一次以示限制該局委等果能異常奮勉結案較多  
本臬司隨時考核自當逾格獎勵如敢草率敷衍立即記過撤差  
停委不貸

一各屬上控有批自行覆審及批錄案詳覆者各廳州縣俱以奉到批示之日起覆審之案定限兩月內審結詳銷錄覆之案定限二十日內查覆出詳倘逾限無故不結不覆除去程限由局查明按十日分別嚴催一次三催不至每案各記大過一次

一各屬控案有批該管上司或批鄰封提審各廳州縣傳解人證俱以奉到文移之日起定限二十日起解承審之員亦以人卷解到之日起定限兩個月內審結詳銷倘逾限無故不解不結除去程限由局查明按十日嚴催一次三催不至每案記大過一次

一凡院司批飭承審傳解行查錄覆之件准於規定正限之外另

扣程限若干日於詳尾明白聲敘不得含混以憑稽核

一局中稽查尤應嚴密局員每日從早親身到署將一切日行控詞案卷逐件細核督飭局書註明年分月日再行封發如有遺漏惟該局員局書等是問

一局書三名每日會同臬司衙門稿房副輪值日書辦將各房控案卷宗逐件檢齊由局員與局書等核計行文日期久暫分別按限敘稿呈請行催不准稍延

中國古代地方法律文獻 丙編 第十五册

刑部律例

卷一

六一四

發審局問案章程及勸懲章程

署成都府唐 爲詳定章程以資遵守事照得讞局委員責任功過等差向無一定程式勤惰既無由分晰勸懲亦不得其平茲奉督憲面諭整飭局務遵卽參酌從前成案體察現在情形擬定問案章程六條勸懲章程八條詳准立案用特開列於後俾眾觸目警心矢慎矢勤共邀懋賞本府實有厚望焉其各勉旃

計開問案章程六條

嚴審限以清積案也發審案件例有定限逾卽有干吏議承審各員或因案情疑難不細討論或因犯供狡展憚於研求或事

棘手而懷規避之心或存成見而熟模稜之技藉詞推宕任意  
拖延馴致案積塵生久懸莫結蓋因定案時有扣限不扣限之  
分應扣限者可以設法通融不扣限者更可束之高閣殊失清  
理庶獄之道嗣後擬請明定期限除緊要重件不扣限外無論  
何項案件統限一個月完結如果案情頭緒紛繁實難依限審  
理展限一個月倘再遲逾扣除查傳往返日期逾限半月以上  
記大過一次一月以上記大過二次三月以上停委五年統計  
承審半年以上不能完結者卽行撤差仍予記過停委詳司註  
冊以後各員審定供詞擬呈判語節略內卽將有無逾延據實

聲敘以備稽攷仍由府將何員何日派審何案何日限滿逐件登記印簿按月稽查一次俾知警戒庶積案可清而以後之案不致如前積壓矣

一專責任以杜諉卸也讞局案件向係每案派委承審兩員往往互相推諉任功而不任勞且明幹者意見不合卽多牽制之虞庸懦者勤奮難期不少偷安之處旣不克和衷共濟又加之勞逸不均清賢否而掩瑕瑜殊不足以策羣材而資鼓勵嗣後擬請每案專派一員飭令依限審理使其無所推託自必加意經營責任旣專攷察亦易勤惰優劣判然兩途舉錯不致乖方庶

局務可期整飭所有未結之案定章後逐件查明開呈清單  
請照此辦理

一禁趨避以杜取巧也從來心志壹而事功可成外務多而正業  
必廢况發審案件尤貴有始有終若忽作忽輟不特恐逾例限  
抑且有誤民生近來讞局各員每多掛名入局又復鑽刺別差  
或嫌薪水無多擇肥而噬或遇案情難辦藉故脫身無事則藉  
以圖功有事則舍之而去黽勉從公者未荷酬庸虛應故事者  
先邀懋賞將何以昭激勸而收實效嗣後擬請分別詳咨凡讞  
局各員除委署代理外無論何項差使均請免予給委有奉委

者亦令本員辭退俾得專心任事以塞取巧趨避之門如委各  
項局差長差者卽扣抵所得酌委以昭公允而免向隅

一親擬判以資練習也讞局問案向由承審之員親擬判詞呈由  
本府閱定然後送交幕友核辦誠以案情百出變幻多端胥吏  
錄寫供招斷難曲傳情僞局員躬親研鞫察言觀色纖微曲折  
靡不周知據情以作判詞庶可期無枉縱法至善也現在每案  
訊明之後非曰犯歸原供卽倩幕中擬判祇憑紙上空談詎能  
動中肯綮嗣後擬請嚴飭各員凡有承審之案定供後務須親  
擬判詞有不合度者隨時向兩坐辦及本府商榷再行覆審更

正練習既久審斷自精不得再請幕中及倩他人代爲擬辦以昭慎重

一 慎查傳以戒因循也發審案件或有人證不齊或祇發下一犯每多恃無質證任意狡展勢不能不查傳要證及行查案據乃遇案情煩重畏難苟安或事本平常易結不結率以查傳爲因循拖延之計嗣後擬請凡有傳證行查之件務先開具節畧聲明因何必須查傳緣由呈由本府核明當行則行當止則止以省拖累而杜弊端

一 蠲私見以重公事也局設坐辦原以總其大綱無論何員承審

俱應列銜則凡通局案情均須參酌每每各存意見並不彼此  
籌商或屢審而難定爰書或定稿而怯不畫諾並有承審之案  
無論曾否訊有端倪竟不告知本府商諸坐辦輒於

憲臺前先行面稟到局又不述明以致無所稟承案件因而難結  
殊非虛已和衷之道嗣後擬請飭令承審各員遇有遲疑難決  
之案就正於坐辦坐辦有未見到者亦當直言無隱無矯情以  
文過無面是而腹非如有故意爲難剛愎自用許卽各抒所見  
開具節略呈由本府折衷定議期歸允當至應面稟之件無論  
事之鉅細均先告知坐辦稟明本府或由本府代呈或令本員

面稟臨時斟酌不得仍蹈前轍以重公事再定章後各員承審  
之案責成坐辦幫同督催倘仍怠玩因循務須推誠誥誥誠  
不已據實陳明由本府分別詳請記過示懲如瞻徇情面匿不  
舉發承審應記大過二次者坐辦記大過一次使恐因人受過  
自免緘默不言

計開勸懲章程八條

一發審局奉發審辦各案類皆情節重大頭緒紛繁聽斷稍不經心不特動關民命抑且吏議綦嚴似宜獎敘從優方足以資策勵查舊章係按資格之淺深定獎勵之次第伏思別項差使原可按日計功而委審案件則以勤審速結爲能事擬請嗣後以結案多寡定委員功過凡審結尋常案件者無論何處發委之案每十案記大功一次積至六次歸併酌委一次有得酌委兩次自願請併酌委優缺一次者聽其自便

一案情有重輕審辦有難易如部駁京控例應 奏覆既應專摺

具奏及提省審辦並年久積壓等案尤難措手如能設法辦結悉臻妥善擬請每案准作尋常案件五起倘能辦結較多實係才能出眾懋著勤勞由本府隨時稟請立予優獎以示鼓勵一人命至重獄貴得情毫髮之差千里之失如情真罪當大辟不嫌於嚴不得其平笞杖亦覺其枉讞局各員承審之案達部例應列銜引斷未協卽干吏議雖平反可以同邀內獎然獲咎易而立功甚難擬請嗣後承審各員平反得失罪關生死出入者每案給予酌委一次罪止遣軍流徒者每案給予記大功二次如有案情重大審屬全虛究出真情正犯全行平反者由本府

隨時另請優獎

一凡事必有專司然後責無旁貸從來發審案件均委承審兩員  
非存卸過競功之心卽貽伴食濫竿之誚因循取巧案結無期  
擬請嗣後每案專派一員責令妥速審結由本府釘立印簿註  
明某員何日奉派某案隨時稽考果能勤審速結卽予照章請  
獎如易結不結及審斷乖方怠玩延誤由本府查明據實稟請  
憲示輕則記大過停委重則撤差以示懲創再每案旣祇派委一  
員卽應逐日入局依限審結不得推諉若延前此有當局差又  
謀別項差使或俟差竣回局致案久懸或倩他人代審徒負發

巳人知信王未  
卷二  
一  
審之名而無聽斷之實應請嗣後除委缺外不予一切外差俾  
得專心鞠獄以杜藉端取巧

一 局員審解案件經司駁飭并犯供翻異嗣後究出實情卽將本  
案扣除不准計算仍每案記大過一次凡計大過者准以本局  
所得大功抵銷未得大功者俟得功時作抵不准以別處所得  
大功抵銷致滋牽混

一 坐辦由副轉正由正拔委資勞並著一充坐辦則通局案件均  
有承審之責而重大要案大率亦歸坐辦審理任重事煩實非  
別員可比擬請自定章之日起扣滿一年給予酌委一次如有

兩次酌委自願請併酌委優缺一次者亦聽其便倘能勤奮異常結案最多及眾大案件係坐辦審實平反辦結者由本府另請發予優獎再無論坐辦正副委凡有委缺回省復行入局各員如有前勞未經請獎者不准補請并計用示限制

一 同通兩項缺分甚少讞局從事得獎甚難擬請嗣後同通各員由讞局得請酌委者准委州縣缺以昭公允而免向隅

一 實缺人員進局學習不在正副委之列如平反著績每案給予記大功二次

光緒二十二年正月

日

卷之五

三

--	--	--	--	--	--	--	--	--	--

議改讞局功過章程

署按察使司張 爲遵批議覆事案奉

憲臺 批呈詳成都府督同委員造報奉發京控未結各案一案  
奉批據詳已悉仰將未結各案督同府局認真催提人證質訊擬  
辦勿任延宕爲要至川省讞局給獎章程係以審案平反爲功夫  
平反得實固屬斷獄之要然無枉亦須無縱近來發審命盜各犯  
幾於無案不原審失入各州縣具有天良未必盡皆如此其弊在  
讞局諸員狃於救生不救死之說又得藉以請獎以致相率效尤  
曲爲開脫絕不顧死者受屈是欲求平允適以開放出之端殊非

戶部彙纂

卷二

三

明罰飭法之意本部堂撫晉撫吳並在聞臬任內懲勸讞局之員俱以結案多寡爲斷似可做照辦理並卽由司另議妥章詳候核定繳清册存等因奉此仰見

憲臺慎重庶獄明罰飭法至意遵查讞局委員章程曾於光緒二十一年十二月據前署成都府唐守翼祖酌擬請獎章程八條開案章程八條呈由前司會詳

前憲臺鹿 批准有案茲奉前因自應由府叅酌妥擬以盡讞獄之能而杜推延之弊當經轉行飭議去後茲據署成都府知府王明德詳稱遵卽檢查唐守任內 云 冀倖之心等情詳請核轉前 云

來本司等覆查唐守前議章程於勸懲考核尙屬詳備現據該府刪去平反請獎一條酌改積功酌委一條既杜開脫與倖之弊兼收策勵勤審之效較前似更周妥餘請仍照舊章辦理爰奉飭議是否有當理合具文會詳呈請

憲臺俯賜察核示遵光緒二十五年十二月初七日奉

批據詳議改讞局功過章程尙屬妥洽所有原定平反給獎一條應行刪去仰卽轉飭遵照自此改章以後務須督飭局員各將承審案件認真研鞫廉得其情核明例案依限詳解不得畏難苟委飾詞延宕並不准藉犯供狡展率請發回以清庶獄切切繳等

戶部卷之二

三二

因奉此除移藩司查照並將詳稿抄發外合就札行札到該府卽  
便督飭局員遵照辦理毋違此札

議改讞局功過章程稟稿

署成都府王 爲遵飭酌議事案奉

憲檄轉奉

督憲批以川省讞局給獎章程係以審案平反爲功近來發審命盜各犯幾於無案不平反其弊在讞局諸員狃於救生不救死之說又得藉以請獎以致相率效尤曲爲開脫殊非明罰勅法之意仰卽查明前署府唐守翼祖任內議定讞局問案章程遵照批示悉心參酌迅速妥議詳候會同藩司核轉等因奉此遵卽檢查唐守任內議定問案章程內開發審案件除緊要重件不扣限外無

論何項案件統限一個月完結如果案情頭緒紛繁實難依限審理展限一月倘再遲逾扣除查傳往返日期逾限半月以上記大過一次一月以上記大過二次三月以上停委五年統計承審半年以上不能完結者即行撤差仍予記過停委詳司註冊並由府將何員何日派審何案何日限滿逐件登記印簿按月稽查一次俾知警戒又結案章程內開委審案件以結案多寡定委員功過凡審結尋常案件者每十案記大功一次積至六次歸併酌委一次以上二條一係嚴審限以清積壓一係按結案多寡爲勸懲均屬簡切詳明卑府伏思委審案件總以勤審速結爲要定章審限

既嚴似可無庸更易惟結案每十起記大功一次積至六次始得併歸酌委一次案多時久邀獎甚難未足以資策勵查從前舊章每案係派正副委各一員同審故定案數較多今既每案專派一員承審似應量予減易擬請嗣後審結尋常案件無論何處發審之案仍每十案記大功一次改爲積至三次卽併歸酌委一次俾示鼓勵而期速結至於平反案件定章給獎較優誠如

督憲批諭恐其曲爲開脫然讞局每年發審之案甚多設遇州縣審擬未當自不能不平反庶免失入之咎惟查平反卽在結案之中似可毋庸給獎以杜故出之弊擬請嗣後平反尋常命盜案件

俱不准其請獎如果案情重大審屬全虛究出真情正犯全行更正者應否給獎之處由卑府隨案稟請示遵倘係有意開脫藉以邀獎一經查出卽予撤差停委示懲似此略予變通庶積案可清而局員亦不敢存冀倖之心矣所有酌議緣由是否有當理合具

文詳請

憲臺俯賜察核批示飭遵

酌擬變通發審局勸懲章程

署成都府阿 今將酌擬變通發審局勸懲章程四條開列於後

一添員會審以期速結也查前署府唐守翼祖擬定每案專派一員飭令依限審結使其無所推諉責有攸歸法固善也不  
知委審之案大都棘手在明幹者固能勝任而庸懦者難期  
迅結况承審之員或經委赴省外提案或差往他處會審接  
替無人勢必將本局之案攔壓未免有失愼公之意擬請嗣  
後每案仍照舊章派委二員會審或遇案情難辦尙可互相  
討論或遇中有別故乙可代爲提審似此略爲變通匪特可

杜藉事拖延之弊抑且可收勤審速結之效

一獎宜稍優以期鼓勵也發審一局承辦命案京控上控各件較之他局責任既重事務尤繁稍有疎失動干吏議而在事各員遇有奉委承審之案無不悉心研求總期持平辦理其辛勞自非尋常可比查舊章每審一案可邀給獎固不免冒濫之譏而新章十案可給一功亦未免求備過甚况讞局所發案件以一年統計不過百數十起局中委員二十餘人卽以兩員承審一案輪派一年屆滿邀獎甚難殊非策勵羣材之道擬請嗣後凡審結尋常案件者無論何處發委之案每

五案記大功一次積至四次歸併酌委一次有得酌委兩次者自願請併酌委優缺一次者聽從其便如能於限內審結緊要重案由本府隨時稟請立予酌獎以示優異而昭激勸一嚴定審限以免逾延也發審各案類皆情節重大聽斷稍不經心一任犯狡履行提行查動輒累月經年實於民命關係甚鉅今既論功定賞優予酬庸而任意延宕審斷乖方之員若不從嚴懲創殊不足以別優劣而資奮勉擬請查照唐守臬定記過章程加重示懲以後承審各員無論何項案件統限一個月完結如果案情頭緒紛繁實難依限審結者展

限一個月倘逾展限半月以上記過二次一月以上記大過  
三次三月以上停委三年在半年以上即行撤差仍予記過  
停委其有審理控案並不認真體察模稜斷結及固執已見  
任性偏畸者記大過二次均由本府查明隨時詳請註冊決  
不瞻徇寬恕庶局務可期整頓而案牘可免積壓矣

一剔除私見以重要公也案情變幻百出律例意義精微差之  
毫釐失之千里讞局之所以設坐辦原以總其大綱遇案列  
銜無論正副學習各員遇有承審案件事無難易必先與坐  
辦商權討論以期迅爲辦結而免延累擬請嗣後飭令承審

各員遇案先與兩坐辦熟商不得稍存意見如事涉疑難坐辦有未及見到者稟明本府斟酌或由本府代陳或開具節略請

示核辦俾得無枉無縱而期折衷一是以後如遇局員收放人犯務須先行回明本府不得徑情直遂以示限制光緒二十七年三月二十六日奉

按察使司夏 札開轉奉

總督部堂奎 批本司會同藩司呈詳該府具稟酌擬變通讞局勸懲章程四條懇請查核立案示遵一案奉批查閱所擬章程內

有記功給獎一條尙須斟酌蓋結案有難易尋常詞訟及上控批  
提之案與京控命盜不同自應分別多寡以昭平允凡審結京控  
命盜案至五起者記大功一次審結詞訟及上控批提各案至十  
起者記大功一次餘如所擬辦理仰卽轉飭遵照繳清摺存等因  
移司奉此合就札行札到該府卽便遵照毋違此札

光緒二十七年四月十二日

成都發審局匾對

視民如傷

道光庚子十月朔 三原王治

獄者民之大命烏可不慎

易曰君子以明慎用刑而不留獄川省訟獄之繁甲於天下故  
讞局尤勞且難予自去年七月履成都任迄今期年賴諸君之  
力積案全完解任日摘漢書語自警且諭來茲同治十年孟秋

黃雲鵠識

慎寢臬事

四川通飭章程卷一  
成都發審局對

光緒辛卯春 汪鑑書

發審局

光緒二十有五年 嘉魚劉心源書

日恐有冤冤自少

時求無累累猶多

同治九年七月雲鵠自雅州移成都時讞局積案二百餘起明年七月以分巡建南復還雅州新舊各案無未完者余有句云積牘銷除非我力同官痛癢切天真蓋實錄也同人屬書示後因復爲此聯倚裝書之雖不成書然其意諒亦念切民瘼者所

竊取也書成後復改於八月望後啟行並記月十九日蘄州黃  
雲鶴撰

豈能盡如人意

但求無愧我心

同治癸酉春正月 知成都府事會稽朱潮壽

瀟貴持平畸重畸輕皆誤矣

情難終遁實心實力以圖之

光緒甲申仲冬楚鄧黃毓恩題

苦心未必天終負

辣手須防人不堪

此蕭山汪龍莊先生所製句也前署成都俞太守文詔刻爲楹聯懸諸讞局洵足發人深省歷年既久榜片漸多損壞爰屬匠民另治而易之用誌服膺勿失云爾

丙戌夏六月金陵楊寶珩書

審案勿留餘地辦案當留餘地

執法不可對天執法自可對天

光緒辛卯仲秋 旌德汪鑑撰并書

成都官廨題壁記

同治庚午秋七月雲鶴由雅州量移成都成都蜀首都事  
十倍雅官廨久未葺唯內室尙可居餘皆傾欹前中兩廳  
事堂尤甚柱蝨中空副木撐之檁椽朽裂瓦縫東漏明牆  
墉皆引折而西余性不耐處幽所至帷堂而居理事倦卽  
鼯臥醒復決事非勤公蓋取適也嘗戲語訟者曰我不敢  
偏倚爾慎毋誑爾誑我少偏倚但仰視吾堂將俱壓矣訟  
者凜凜色懼以是訟皆息蓋堂之力居多一夕風起屋瓦  
格格墮起坐自念知命者不立巖牆且吾身親之身旣作  
史雖在外亦

朝廷之身是堂所莅皆

朝廷之民卽

朝廷之地因陋乘險恃天怵民義均非是會十六屬吏上  
謁告之故僉曰宜修遂修之工逾月而竣不雕不罍不鬆  
繪非示樸蓋虞外塗闕氣內餒孕螻也未幾有分巡建昌  
之

命同人請誌數語下諭來者予治行無古人萬一一時幸  
爲上下所恕乃敢以空言誑後顏不旣厚乎無已則強應  
之曰蜀古號難治然亦易治民好動治故難然知畏官且  
善感治故易唯官不誠誠不至則不治誠則治卽不立治

亦可馴治故治蜀誠爲要廉且勤嚴且明行之以誠民無  
鬻心無匿情矣或曰郡領袖全川吐握百有司襟吭諸大  
府安暇及民謔官誰爲來百有司誰爲設官忘民則暇亦  
無暇不忘民則雖實無暇亦必有實政足以及民此予之  
所以早夜懷慙望古內疚臨去而猶怵惕不安者也郡古  
多循吏後有李廉張趙其人瀏覽斯文將曰是人雖不能  
自行所言然言實可行則他日益州人之福也因記且書  
之時去

闕近三年距解任之建南之期五日矣辛未秋七月

欽加三品銜知成都府陞授建昌兵備道前進士黃雲鵲記

